



09102

碑傳集

第二十六冊  
雍正朝督撫

乾隆朝督撫

卷六十九  
之七十一



碑傳集卷六十九目錄

雍正朝督撫

少保楊清端公宗仁墓誌銘

楊椿

又楊宗仁傳

八旗通志

廣東巡撫楊公文乾墓表

牛運震

向書唐公執王墓誌銘

楊椿

直隸總督兵部尚書李敏達公衛傳

袁枚

左都御史裴公粹度家傳

鄭虎文

又左都御史裴君事略

彭啟豐

詹事府詹事加侍郎銜刑部右侍郎黃公叔琳墓誌銘

陳兆嵩

又黃崑圃先生傳

戈濤

奉天府尹商邱宋公筠墓誌銘

沈德潛

光祿寺少卿楊公秘墓誌銘

袁枚

碑傳六十九目

大猷寺小真默公傳

奉天府尹商邱宋公筠墓誌銘

又黃崑圃先生傳

又左都御史裴君事略

又楊宗仁傳

又楊清端公宗仁墓誌銘

又向書唐公執王墓誌銘

又直隸總督兵部尚書李敏達公衛傳

又廣東巡撫楊公文乾墓表

又少保楊清端公宗仁墓誌銘

又雍正朝督撫

碑傳集卷六十九目錄



雍正朝督撫

少保楊清端公宗仁墓誌銘

楊情

光祿大夫太子少傅總督湖廣軍務兼理糧餉兵部右侍郎兼都察院右副都御史楊公諱宗仁字天爵其先山東沂水縣人徙遼東世為遼

陽名族

國初隸鑲白旗佐領下

今上改入正白旗遂為正白旗人也公少沈深有智量於世俗聲勢利欲不一動其心慎交游寡言笑嘗與人言志曰士當審其所當為嚴其所不可為而已或勸之仕曰吾斯未信雖聖賢不能必吾敢苟哉康熙三十五年秋奉父命始出為湖廣慈利縣知縣調藍山陞陝西階州知州遷同知臨洮府事監牧蘭州轉知臨洮府事分巡西甯道陝西按察使司副使浙江按察使司按察使丁父憂服闋補廣西按察使署理廣西巡撫未幾授廣東巡撫六十一年冬

今上登極陞湖廣總督既至奏紬大吏之尤溺職者數人罷鹽規一十

碑傳六十九

六萬以其利與民及商屏屬員餽遺革重耗令官吏計口授費不得妄有侵漁累民濱江州縣舊設征商口岸一百五十皆撤除之禁荆關額外之稅於行旅者議湖南北分闡取士之制與數歲甲辰江水驟漲捍禦有方築隄幾千百丈其冬設廠以賑貧民以不饑凡公所為必求其利病所在與俗所宜其利於己者未嘗肯為之其利於民及行之或有弊者輿革之惟恐不速嘗待旦而興過夜分而寢而公亦積勞而成疾矣雍正元年夏

疾矣雍正元年夏

上遣御醫來視又命公之子榆林道副使文乾為按察使侍養明年公

疾稍瘳起文乾為河南布政使尋命巡撫廣東三年夏加公太子太傅

上方珍物中秘之書歲時賞賚不絕公益祗勤不敢以疾為解其秋七

月公疾大作十八日癸丑公薨享年六十有五訃聞

天子震悼贈公少保世襲拜他拉布勒哈番十二月櫃將至京遣大臣

郊迎奠酒比至命殯於城南里第遣親王奠茶者再諭祭二壇賜公諡

曰清端越三年文乾自廣東給假歸治公之葬復加祭一壇時雍正五

年五月乙酉晦也公之令慈利出縣在萬山中與苗接壤苗長虐其下

制炮烙諸刑苗人畏之走匿公縣界長以賄求之不得上官聞檄召公

公曰苗吾赤子也窮來歸我以賄反之如民父母何上官直公言乃止八排梗化提督林某帥師討之道出藍山林不恤其下眾咸怨登山將爲變公單騎往諭眾感悟喜曰聞公言我等不敢有異志向公羅拜曰楊公活我楊公活我其在階州州古武都郡生羌時出爲民害前知州患之不能制公連堡寨謹斥堠召其酋豪明諭之酋豪震懾不敢肆康熙五十九年春文乾以東昌府知府奉命西行道經階蘭臨洮西甯之地皆公舊所治父老詢知公子感慕追思有牽衣不忍令去者公善決獄在湖南常甯縣民有被仇殺者令疑其爲盜竄十二人於大辟仁皇帝矜之詔所司重讞巡撫趙恭毅公以屬公公訊得其仇二人十人者皆免在浙江以明允見稱爲公平反者尤多也公素廉不妄取予其撫廣東也廣故多盜地富饒海外之貨日至公帥下以清州郡修整訖公去廣百姓幾莫有爲盜者公先實後名與人交未嘗以私干之人亦莫能干也性寬平不爲劊絕谿刻之行爲督撫所屬僚吏數千人公盡識其賢不肖能否所薦引必當其人有不職先誨之其不改從而糾斥之或見公時有戚容以詢公公曰吾適有所糾爾其人曰公所糾必當奚戚爲公公曰吾爲大臣不能令官屬爲循卓致名列彈章吾甯能不

輿傳六十九

二

威平公才識明敏臨事善斷所至未嘗有廢務然不以行能驕人趙恭毅公尤重之嘗指公謂人曰楊君奇才也不久將任吾位矣世以此稱恭毅知人而服公爲不可及曾祖諱繼盛祖諱必登舉順治乙酉順天鄉試父諱朝正事

世祖章皇帝爲侍衛

聖祖仁皇帝時改兵部督捕司員外郎歷山東東昌府知府治有能聲曾祖妣某氏祖妣某氏妣段氏公之未至湖廣也段太夫人卒於公弟河南巡撫宗義之官舍公在道星奔

上令宗義葬母歸而命公在任守制公時年六十有三矣哀慕哭泣如孺子其年又四月

上念公勞勩賜祭公父母贈公三世如其官妣皆一品夫人公孝謹四時之祭雖老未嘗屬之子孫卒之前三日中元祀先公時疾已革左右咸請公毋拜公不可仍跪拜如禮公舉止端方燕處未嘗有惰容雖盛暑不袒裼自奉淡泊布袍蔬食宴如也娶陳氏贈一品夫人子男一人文乾女一人適候選縣丞崔惟岐孫男二人應瑞候選府同知應瑤一人品廢生孫女一人適雍正癸卯舉人中澗曾孫男一人曾孫女一人俱

幼初公與母弟宗義同時開府宗義歸文乾繼公撫廣與公接壤縉紳以爲榮公事

聖祖勤勞三十年曰聖祖勤勞三十年曰聖祖勤勞三十年曰聖祖勤勞三十年曰

今上時尤以潔已奉公深知大義爲上所優獎迨公歿而

上褒諭曰孤介端方始終一節蓋公清廉勤慎或從來諸臣所能而其不事黨援則非他人之所易及也其僅與公同時得並獎者今浙閩總督高公其偉川陝總督岳公鍾琪等六七人方皆列於有位而公獨不

幸早逝上所爲追念良臣深爲愴惻愈久不能自己者也公

諭塋在宛平縣某鄉某里之原將葬文乾來請隧道之交椿與公同姓世通交好深悉公行事因爲擯次復繫以銘銘曰

人臣之義正直爲先其或不然偏黨植焉惟我揚公不偏不黨帝特寵公百僚絕等公考公祖逮公之曾崇封四代峻爵尊榮匪惟爵之又祀秩之遵豆靜嘉于公設之祖考榮矣令子嗣節楚越連疆左旄右鉞駢蕃錫賚惟其沃矣生死榮哀曷其及矣匪公之榮正直是與孤

介端方天子所予西山之原渾河之濱有歸者墳納此銘文

又楊宗仁傳入旗通志楊宗仁字天爵漢軍正白旗人贈光祿大夫楊朝正長子也生而穎異幼時舉止若成人比長隨父讀書留心吏治性至孝非奉親命未嘗離

子舍康熙三十五年父使之仕乃謁選得楚慈利知縣慈利邑於叢山密邇苗夷民頑地瘠官廩在榛莽中宗仁曰是可行吾志矣地瘠上無

苛求民頑可施教化爰勸農桑興學校民知力田孝弟向風囑囑有爭訟者牒投入即召至庭片言立折民咸愛戴稱神君焉閱五年調衡州

藍山縣藍山爲楚粵苗漢接壤邑稱難治會八排梗化楚帥率師援剿道由臨武臨武官吏懼擾賄帥取道藍山迂迴險阻士卒有怨言而帥

素驚悍失眾心比師入境宗仁備牛酒郊勞見其將虐兵驕竊恐有變預爲備詰朝果大譟控弦豎幟踞山而囂宗仁單騎往諭以利害眾心

稍釋曰公言良是但鼓譟有罪難束手就死能令本帥給文爲據則惟公命宗仁知眾疑難釋也曰是在我詣帥語以故立書不鼓譟文牒鈐

以印付首事四人遂各歸伍事定宗仁諭兵眾曰印文固足據恐自操

左券異時究詰罪有歸眾爽然曰復何以解宗仁曰繳文卽無患眾俛首聽命倉猝聞大釁立殫宗仁力也鄰邑盜劫殺人鍛煉成獄十餘人定大辟

聖祖仁皇帝命覆讞撫臣以贖屬宗仁問未竟得其情讐殺非盜殺也渠魁二人服辜餘盡釋其明允類如此三年計典巡撫趙申喬薦舉卓異擢階州知州階地生羌出沒白晝眩篋行旅病之宗仁至連堡寨謹斥埃豪羌斂跡未幾遷臨洮府同知監蘭州權稅值歲歉流離載道請發倉廩以賑饑黎寬歲額以通商賈招流凶以實戶口大吏知其賢悉從所請州多盜惟老瓜賊尤桀黠難治宗仁嘗奉檄覆讞他獄鉤距摘伏旁發老瓜賊至百餘案曰此雍梁間大患也不治民害益熾窮治之則有司羅諱盜之譴乃取百餘事貫弗爲十案悉寘諸法由是盜風瘳息有司亦獲善全最聞旋擢本府知府率屬安民治績尤著尋擢西甯道西甯爲西陲要衝宗仁振積剔弊賢聲遠播公卿交章薦遷浙江按察使下車墨吏聞風避去豪石大猾屏息不敢喘明刑弼教兩浙無冤民會父卒於署宗仁扶輿行百姓攀留者填塞街巷服闋補廣西按察使未至旋奉

碑傳六十九

四

命署理巡撫抵任五日卽特授廣東巡撫在任五載潔已率屬政令所加風行草偃粵爲盜藪至是望風屏跡四境以南雍正元年

特授湖廣總督是時宗仁弟宗義爲河南巡撫母就養河南以疾終宗仁方赴楚旅次聞母喪慟知當事策騎奔赴偕弟治喪比奉

旨任守制宗仁始奉

命至湖廣首劾大員發贓數十萬屬吏戰慄乃從容化導之禁餽遺減耗羨革榷商陋規除無名權稅典利除弊法在必行築隄禦水患散賑救荒夙夜籌畫無一刻少懈久之疾作

上聞遣醫馳驛治療病閒猶強起視事又以宗仁勤勞夙著正直不阿晉秩太子少傅三年七月十八日卒遺疏入

特降勅旨褒諭言楊宗仁敬慎持躬廉能供職効力年久懋著勤勞簡任總督以來潔已奉公孤介端方始終一節忽聞溘逝朕追念良臣深

爲悽惻難釋於懷應沛特恩以示優眷加贈少保並給拜他喇布勒哈

番與其長孫重穀承襲准襲二次尋部議卹典奉

旨賜諡清端給全祭葬建碑於墓文曰國家分職宣猷特重保釐之寄節終養舊用嘉篤棊之忱其有才守兼優靖其素勵荷絲綸之褒寵宜

瑰珍之垂光爾楊宗仁操履方嚴服官勤恪播循聲於州縣旋縮郡符紀治行於監司俄遷觀察受殊知於

聖祖俾鎮撫於粵東譽望久彰廉能夙著朕念荆襄之要地特畀節制

之重權亮節清風樹表坊於僚屬振綱飭紀能緩靖於軍民爰晉宮傳

之階方懋旬宣之績良臣忽逝軫念難忘賜世爵以延恩命親王而致

奠孤卿優贈祭醴加頒曰清曰端用旌懿行於戲名留竹帛邇品繁以

如存榮被松楸緬賢勞而增感風於有位視此豐碑

廣東巡撫楊公文乾墓表

世宗憲皇帝御極之初年乾綱英斷勵精剔釐中外風飛雷厲管攝震

動八極督撫大吏恪清公慎厥職時則有若雲貴總督鄂公爾泰直隸

總督李公衛廣東巡撫楊公文乾山西巡撫諾公敏甘肅巡撫許公容

皆以剛正率屬下決壅鋤奸毋避豪貴嫌忌而廣撫楊公尤為持寬嚴

天子倚為股肱重審然稱一代名臣公字元統號霖宰先世遼陽州人

國朝初籍京師曾祖必登順治某科舉人祖朝正東昌府知府均諧贈

光祿大夫父宗仁歷官湖廣總督贈太保諡清端公為清端公長子生

有異徵幼穎敏讀書觀大意才氣踔厲風發嘗從清端公官慈利藍山

階蘭洸遑每建一議清端公輒倚決父子間自為知己又以暇悉心經

國之務凡山川形勢阨塞渠防丈切方程風俗謠服物產錢穀旬稽盈

縮刑法讞報權比兵權軌伍械陣靡不析求機要精微以究實用初由

永定河官知曹州康熙五十七年擢東昌府知府特授陝西榆林道按

察司副使

世宗即位加銜按察使旋遷河南布政使特授甘肅巡撫未赴調廣東

巡撫晉階都察院右副都御史治漕精明果決折獄如神一婦訴其夫  
為人殺公視其白履也曰若夫死若預知之乎婦言今且乃知之公曰  
然則若何以辨白履之前也因具詰之則與人姦殺其夫者也真諸法  
五人者宿一室一人亡金訟其四人公悉坐之於庭而直視大聲曰吾  
已得盜金者不盜者聽去一人色動欲逃執之果盜金者眾亦不知其  
何從得也一女子為人縊殺莫知主名公立走驗而盡召鄉少年謂之  
曰屍帶殺也吾將徵帶已而曰吾未食吾且食遂陽為退食者而陰遣  
役廉市帶者捕以來果得高二蓋拉姦女子不遂而以帶殺之而公逆  
知其市帶以驗也一訊卽服視其殺人之帶猶存焉公論殺二而請旌

神傳六十九

五

女子一州大驚服當是時曹人袁進僞稱朱六太子挾妖煽動山左朝廷命少宰勒公什布湯公右曾巡撫李公樹德督捕甚急檄帖如雨下公悉秘無聲陰遣幹役百十輩分道踪跡之而進不知以為曹無捕之者果夜歸歸則公役掩而擒之膠而檻諸京師山東遂無事治東昌整綱綜目刃斷縷解所領三州十五縣無遺利害其除黎棗稅增築郡城外運河堤功尤最著云在榆林歲早流殍充道路公一日馳三四百里白制府請萬金為民買穀未發公先出金廩軍民三月糧榆人卒以大濟榆林多沙少水不宜穀芻粟仰給內地公馳出長城求蒙古鄂爾多斯水泉地與旃裘毳帳之長結約通關俾民租種或以邊民種蒙古地非令甲開公公曰監司職利民耳民享其利我任其咎不亦可乎當是時民得俵牛種市罇鉏踴躍事隴膝而公又為民步香禱雨雨連大需歲收倍公私困籠充溢萬人歌謳軒舞邊氣大蘇在河南奏勘祥符封邱中牟陽武之瀕河沙壅地而除其歲額之入又河南倅貳以下例不得分耗羨為廉費公言於田中丞悉一體分給他所以為民人與便利者如在東昌榆林時及去豫吏民攀轅哭送者萬人初公在榆林而清端公總制湖廣會寢疾公請致官終養

傳六十九

六

世宗子按察使銜命侍養清端公疾愈公兩以事入謝

世宗問兩湖四鎮營制及設鎮本末公於御前畫陳襄辰彛永形勢道里險易要害營汛疏密單復鈐轄井落米聚基置

世宗獎歎久之曰此總督才也而公在東昌嘗以大臣子自請督運西陲輓糧萬石自西甯至通天河先期抵軍營出諸運第一

世宗固已奇公才及是遂起官豫藩而旋有廣東巡撫之命廣東為清端公撫蒞地公到任治兵綏民一如清端公要東嘗言大臣以識量為才以屬吏為功過又言刑辟成於督撫苟奏當雖秋官不能奪不慎則

往往枉人命又嘗上奏云國家以人材為主大臣以進賢為先蓄材之道在豫教導善器使以故公薦舉劾奏公嚴無所瞻避屬吏輸寫心腹

咸為盡力所薦士或起家為公卿方面大吏尉接下吏和顏咨詢凡有

利弊必盡其同異可否興革功善推歸於下曰某道某府州縣所為遇

獄上小大躬推勘決疑亭法至於十反其慎如治獄有司之畏大吏

者初到粵會歲視省城民少食公檄四方舟米俵糶貧不能者官為償

直全活無算水浸東莞博羅五邑公立請蠲賑又制廉俸千金為錢米

以瞻之死者給棺槨民忘其災公洫粵二年嘗以請葬清端公赴京師

又奉命覈福建倉庫事竣稱

旨而公中途聞粵東米貴念士卒無以贍其私捐資千餘金分賞兩營

軍伍諸軍投戈歛鉦歡聲震嶺海而公撫粵三年當事大閱訓練水陸

之師數萬步伐壁壘如山岳舟師洋弁鑼鼓轟譟海面蚬蛟鱷魚縮首

避交廣雷潮漲海近界貢舶交集東南際天地以萬數公與接禮推誠

持大體或有風潮失事懷恤毋外人視蕃蠻大悅珠玉象犀瑋瑋充物

錯落歲時輸京師而海韶諸關權稅凡有奇羨悉以充公囊不有真臘

廣南一金錢奇玩物人以此為公難當是時

世宗手詔褒者再恩遇賞賚出諸督撫大臣上初公起家永定河官尤

練水利河務曲折在曹濬渠通溝為民備水旱為東昌承築張秋堤禦

黃河決口漕運平無害而臨清河受漳衛二水水勢迅險巡撫李公委

公鑿月河以殺之公脈地防以步行水之宜工吏束手稟成剋日工竣

委折不愆於素又嘗從河道大人按濬汶泗七十二泉悉復其故無涸

塞在榆林疏夾道溝通園水引渠溉田邊農美稔稻此其利澤之在人

人者公為人剛正勤敏疆幹於吏職見事風生無所回避家世受

國恩感激淋漓時投袂抵几誓盡軀死職下孤行立一意不忍為飢餓

模稜之習事繫國計民生無小大行之不俟終日遇有撓挫益堅厲是

以事

上無遺忠而辦公無留事公以雍正六年卒卒年四十七夫人吳氏江

蘇巡撫吳公存禮長女年十七歸於公事舅清端公姑陳太夫人以孝

聞時祖舅簡侯公祖姑段太夫人並在堂又移所以事舅姑者事祖舅

姑物且謹公在曹嘗迎段太夫人官署夫人先意進獻無不如所欲清

端公聞而慰樂之公前在永定河清端公以赴京過工所夫人晨夕視

神傳六十九

七

起居侍立脣腫不倦公侍養清端公湖廣夫人助篋中廚湯藥君媵不

假奴人子勸夫子順以敬公初入官囊無長物河料版工役食措拮据

据夫人典簪珥空妝奩為助在榆林素食齋居佐公為民禱雨及粵東

相以內細大獨理以是公得悉意

國家事性莊厲教子應瑤應璠嚴而有法遇有過失輒呵責二子長跪

痛悔然後已公歿後應瑤始為淮安守又補南甯同知應璠由河東西

甯道遷甘肅臬藩陟巡撫悉本吳夫人教云夫人後公二十二年卒卒

年七十三公與夫人並好義喜施與公養老友小天選終其身嘗過陝

州捐工鑿石開道爲車馬便又增斬州橋石欄夜行者毋墜也在粵捐  
置官船十艘以步珠江行人夫人逮賞家人廛役金以千百計在西甯  
爲粥與衣以予貧民及囹圄之罹於法者君子謂楊氏三世爲督撫公  
與夫人之德爲著且大也公及夫人合葬於某土之原並蒙

賜御祭一壇中丞公應璩奉狀請表於余余讀公狀仰惟  
世宗憲皇帝勵精之治知人任使之明且專而公以公廉剛正整吏治  
安封疆所係於

國家者甚鉅謹表如石  
尚書唐公執玉墓誌銘 楊椿

雍正七年六月都察院左都御史唐公執玉以疾請告謂其戚友楊椿

曰余病矣將乞休於朝  
上其允我乎椿曰

上方嚮用公公雖病未必允公去古之人有請至十四五卒不許且命  
之臥理者矣公其可得歸耶疏上

上命公署直隸總督印直隸治畿輔兼轄口外旗民事比他督撫尤劇  
仁皇帝末年官吏怠於久安多失職

上欲振新之比七歲督撫七八易皆不稱故命公公固辭  
上命公速莅事公爲人精明練達於直隸民生利病吏治臧否靡不悉  
既爲總督益以厚民生澄吏治爲已任其弛舉錯大小緩急務各得  
其宜九月大理寺少卿張璨自保定入見

上問公璨以公政事對  
上喜璨復言公病甚

上惻然遣宗人府府丞冀棟診治公論公曰張璨頃言卿病朕深軫念  
自今卿當節無益之勞凡事總持大綱無庸一一躬親爲也朕一時不  
能得人故畀卿劇任明春史貽直來京朕卽命之代卿也十一月公疾  
有聞

上諭公愛養精神量力辦事公接諭悚感不敢復言病矣公事

上不欺

上有問及事入告者言皆洞悉無隱情見僚屬必詢民疾苦所與革宜

若何言可採奏行之曰此某屬吏所言也其有過誨之誨之不可而後  
糾之情不能上達必曲爲達之

上覽公疏章未嘗不嘉公辦事妥協奏對出於誠敬也或以益賦核減

語公公言為政在於節用非二者謂也吾於經費奉行故事而已他何知耶原任熱河同知明亮請增熱河稅銀并請於榜什營三岔徵之  
上命公查覆公言稅銀原無一定年豐或額外盈餘歲歉則正額尚虞不足豈宜復有增加榜什營即巴克什營也去熱河一百六十餘里熱河既收其落地稅此又收其過路鈔銀不可長蘆巡鹽御史鄭禪寶以商人虧帑請增鹽價以為商本

上問公公言為商為民陛下原無歧視眾商不謹身節用先公後私而乃議增鹽價以厲貧民臣竊以為非是雍正三年廷議耗羨歸公而元二年之後納者州縣移為他用前督已允之矣至是部議追還公言元二兩年耗羨民納雖在三年而歸公之令實自三年耗羨始且前督允其他用部臣今欲追之是為小費而失大信於微員非陛下體卹臣工之意又言畿南州縣倉穀實皆民欠今歷年已久部臣責償於州縣官則此數十年中一二百故官子孫槩行追比於情實為可憫

上皆從之公持大體不詭隨

上之信任公皆此類也準噶爾犯約抄邊西北二路用兵官發帑以備軍需惟公在直隸事集而民不擾八年五月晉兵部尚書九年九月病

碑傳六十九

九

### 篤三上書請退

上以今吏部尚書協辦大學士劉公代公而命公還京養病明年八月少瘳命管理刑部尚書辭不獲十一年正月仍命署直隸總督再三辭上曰朕固知卿病然此任非卿不可卿其為朕強行朕當令願琮佐卿也二月病益革自是不穀食者一月然猶日理公事不少輟三月十六日薨於保定官舍年六十有五

上聞痛悼命有司給銀供葬事

上在藩邸久知州縣水旱多不報卽位後申諭督撫毋匿災而督撫慮州縣冒賑且虞謂災之由己致也固匿不以聞閒有州縣報者沮之甚則以他事斥逐之如是者十蓋八九惟公所屬州縣有水旱必報報卽以聞

上蜀賑動以數千萬計而公之辦賑尤詳且善嗚呼  
上之勤恤民隱公之仰體

上心者可謂至哉迨公及遺奏云西師未復直隸兩澤愆期臣死不能瞑目則豈非古之鞠躬盡瘁憂國忘身者乎嗚呼忠矣公康熙四十二年進士浙江德清縣知縣陞工部屯田司主事充五十四年會試同考

官陞戶科給事中掌登聞鼓轉戶科掌印給事中累遷鴻臚寺正卿奉  
天府府丞大理寺少卿太僕寺正卿擢禮部左侍郎知雍正五年貢舉  
充五年武會試總裁官陞都察院左都御史德清多巨族恃其家貴官  
爲不法令少懦卽縱肆無所忌貴官亦無如何公始至師門有以事逮  
者匿不出公奉印至師家曰有官守者不得其官則去某今令不行請  
從此去矣其師索其入急出之縣中驚相告曰公於某族尙如此他可  
馴法哉將編審吏以五千金餽公公卻之而罪其吏召縣民集堂下親  
勸之察其有田無糧者令自首無田有糧者除之富無隱糧貧無賠課  
國初以近京地給八旗將士別撥他縣地還民謂之代徵往往地在於  
此而糧在於彼相隔或百餘里或五六百里寄莊寄糧之名以起公在  
直隸請歸其糧於所撥州縣官免追呼之擾民無跋涉之勞在戶科猾  
惡吏肆姦於戶部戶部堂司官不問朝臣亦莫敢言者公廉實劾之  
仁皇帝命置於理官吏肅然在都察院糾察不避權貴然未嘗許人之  
私亦未嘗小過傷人人故憚公嚴正而服公之仁恕公精於律例在刑  
部未嘗輕入人死罪在大理平反爲多而聽訟時尤能以德感人方公  
自德清北行縣民送者數千人有老嫗伏舟側哀下叩頭慟不已詢之

碑傳六十九

乃其婦以不孝爲公所格而今孝事姑故也公好讀宋人語錄取其切  
於日用者書之門闌戶扉皆宋儒語也嘗自言吾才拙政事不如人可  
自力者勤耳勤必先由儉始書其柱聯曰將勤補拙以儉養廉曰吾以  
銘吾座右也及爲總督

上褒公曰公勤不懈又賜扁曰恪恭首牧而

儀上所賜養廉銀歲止用十之三四十餘悉歸之布政司遺訓子孫無受賻  
儀公其克勤克儉不負所志所學者矣公字益功一字薊門江南常州  
府武進縣人七世祖襄文公以文章經濟爲明嘉靖中名臣曾祖諱獻  
可祖諱宇全父諱于旭皆贈如公公少孤貧家多難母夫人伯兄弟姊  
妹咸失所公年十八至京訪得之迎母夫人伯兄養於家而嫁其姊於  
華亭錢氏妹於平山崔氏兄性剛使氣公事之如父終身未嘗有違言  
兄卒撫從子如己子公長身玉立望之儼然而與人溫溫久而未嘗有  
忤權勢人避之若浼知舊之賢者雖寒褻尤樂與之親平居闔戶靜坐  
闕若無人客至羹豆食蔬質疑問事歡如也夫人楊氏浙江衢州府知  
府諱廷望女椿從姑也先公三十七年卒子三孝本康熙庚子舉人江  
西撫州府知府少游雍正己酉舉人候選知縣後公三月卒行健早殤

女三婿黃多錫莊模正其一未字孫男四人女二人曾孫男一人女一人墓在陽湖縣永豐西鄉黃塘里祖塋之側銘曰

維聖有訓國治家齊齊有未至治乃斯乖慨自春秋世風不古以妾為妻禁之罔顧彼子叔疑使子為卿有私壟斷為世所輕自茲以還波流益濫有美唐公不溺不慳公有數妾箕帚是執子復生子仍焉侍立豈無綺縠衣布而已豈無梁肉脫粟而已公之兩子邦家之彥誨以詩書勸以敦善長膺

帝命出宰甯洋公力辭之

帝不公從其次在側有舉之者掣其薦劾曰此不可人有私愛公則無之人有鄙念公則祛之公於今日類軼羣超用施有政其績甚矣爰溯筮仕不比於權介然特立受知

一人威不為惰利不為懷清獻之清孝肅之肅刻銘於石納諸幽室直而不華舊史之筆

直隸總督兵部尚書李敏達公衛傳袁枚

公姓李名衛字又玠明初以軍功起家襲錦衣衛由浙遷碭山公伉儷有氣入貴為戶部郎司納粟事親王某屬每金千加平十兩公不可強

之則昇櫃置戶部東廂下署曰某王贏餘王大驚諭之止王府歌者殺人公會刑部鞫刑部因王故欲為道地公爭之急同僚止公而公往益

早

世宗心重之登極授雲南驛鹽道遷布政使旋巡撫浙江康熙末年鹽

法抗弊滇省有私壓短平諸色目浙商浮費至十二萬州縣赤腳丁錢

攤入田畝有田者不占名籍奉上豪為甲長供奉如奴公一切禁督奏

免湖屬浮糧又奏玉環山乍浦近海請設參將同知鎮撫之北新關虧

稅司權者患之公奏以南關之贏抵北關之縮往來商大懽雍正四年

遷總督節制江南七府五州當是時浙省逆案屢發杭州汪景祺查嗣

庭等以誹謗伏誅而妖人曾靜又為石門呂留良弟子

上震怒停浙人禮部試將大創之賴公外嚴內寬教督於下開說於上

致民俗丕變

天心回和庚戌殿試前三名皆浙人公駢脅多力鼻孔中通身長六尺

二寸痘瘢如錢著頰上皆滿而白皙精采豐頤廣額腰腹十圍善養威

重每出繡衣袞袍乘八座露車去其帷壯士一人高丈餘執大刀光明

如雪扶輿而趨絳旗黃蓋爆棚葩璫數十重鳧藻雁行罔不整最後馬

山鼓吹細樂鏗鏘三四里闔城老稚聞制府鉦聲爭奔趨窺觀目眩良久引嗥始畢而提爐香猶冉冉四散性好武設勇健營募兵教之擊刺一切器仗加鮮明每霜天大蒐公披金甲執鐵如意登壇指揮先是東南武備遜西北而公自信過之屢請從征西戎又請長子星垣征楚滇諸苗然

世宗終不許也公不甚識字而遇文人甚敬修浙江志建書院餼廩獨豐公餘坐南面召優俳人季麻子說漢唐禠事遇忠賢屈抑僉王肆志輒嗚咽憤罵拔劍擊撞聞鄞縣有王安石祠大怒連檄毀燒奏飭十三省督府修古賢祠墓諸生入學者行肅拜禮許士女逢春秋節賽會迎神其姦惡則伐渚其墳事雖不行海內皆嘉公之志凡文移奏章不過目聽人雜頌不可於意者雙喙命改動中肯綮雖儒者文吏皆心折駭伏以爲天授疏西湖淤三十里增修祠廟植柳桃春時隄樹盡花水亭屬臺金碧明耀公晡餐畢鳴騶出清波門攜文案坐亭子灣辦治文武

督與總督抗行公往悉受節制總河朱藻素佞張公首劾之滅死爲城

碑傳六十九

十一

巨春公負氣好勝遇權要人務出其上乃已當是時大將軍羹堯河東總督田文鏡九門提督鄂爾奇管戶部果親王皆隆赫柄用而公輒彈劾搖撼之雖有動有不動然中外側目欲甘心於公者相環矣賴世宗知公深排羣言眷寵不少衰十三年八月世宗崩公自知孤危獨立萬無全理入謁梓宮跪伏大慟暈絕不能起

上知其意召見慰之曰卿但努力報國

先帝雖崩自有朕在也賜珊瑚朝珠荷囊兩匣再賜長子星垣武探花及第公意始安公尤長於治盜凡盜之巢藪火伴訪知如繪臨期以一錦囊付將弁往如教即時擒獲所到處江湖千里如枕席行舟桴鼓不鳴不禁妓不擒樗蒲不擾酒坊茶肆曰此盜藪也絕之則盜難踪跡矣先是朱文端公以醇儒治浙考於古頒喪婚宴會儀教民又禁燈棚水嬉婦女遊山民肩背資生及賣漿市餅家弛擔閉戶嘿嘿不得意公雖受知於文端而爲政不相師一切聽從民便歌舞太平誘掖而張皇之民喁喁太和愈卑賤者愈禱頌焉雍正十二年公總督保定與戶部尚書海望同勘海塘至浙遠近村氓以爲公復來撫浙也額手迎者蟻屯

數十里歡聲應天文瑞公聞之歎曰古人云觀徐公言論不復以學問  
爲長斯言信矣公生時太夫人夢神僧授以異寶及卒病黃疸呿聲震  
屋瓦衙內牛馬皆吼應之同起同止如是者三晝夜氣乃絕年五十三  
諡敏達

論曰

世宗皇帝時才臣任封疆者田李並稱然世之人往往優李而劣田意  
頗疑之後讀

硃批上諭田文鏡奏禁銅法請民間有拋擲制錢者擬軍又奴婢首主  
人藏銅器者許脫籍治其主人之罪公奏禁銅法請官增價購有售者  
卽與值不問所由來亦不治藏者之罪是二疏者在

世宗俱未允行而兩人之見解心術判若天淵已可見矣公每劾權貴  
拜疏後必鈔稿以示其人嗚呼壯哉

謹案原編有改天主堂爲天后宮碑記一首已見經世文編今不  
錄

左都御史裴公倬度家傳鄭虎文

公諱倬度字晉武號香山山西曲沃人唐太師晉國公三十世孫也祖

明鎮國將軍諱良積勤邊事道死考諱加厚年十六走萬里外負父骸

歸嘗粥餓者活人多時盜起輒相戒避裴公家不仕均以公貴贈光祿

大夫巡撫江西右副都御史公爲光祿第三子九歲而孤立志遠大能

委已於學年十七補學官弟子貢成均受業韓文懿公門工詩善書畫

王漁洋沈繹堂田綸霞諸名人皆與之遊兩應京兆試薦不售循例爲

刑曹郎非其好也會喪偶益不樂去官服道服自稱一元道人放跡吳

越山水名勝處忘返公貌魁碩鬚長尺有六寸營效如鐘殷動牆屋所

至傾眾知爲偉人三年伯兄促之乃還就原官遷戶部正郎出知徽州

府九年授徽州知府撫輯苗獠以勞調廣南未得替大計被薦入覲

仁廟知名公能詩命題應制者再皆稱

旨欲大用公意滇僻遠不足張職賜蟒衣諭留尋授兩浙江南運司分

巡驛鹽道東鹽運使尋改兩浙至則立禁絕院司掣鹽供張歲省金

萬兩洗手率屬懌政肅清時海甯海溢興塘工巡撫蝶園徐公奏以屬

公公受任請免煙夫舊例夫不更擾趨役磨集帑倉卒不時濟輒助輸

家貨工不淹晷無晨夕寒暑風雨行土木草石畚缶開不以饑疲自休

止一力齊事眾險畢完一夕報有神燈沒某塘下眾惶擾神燈者海中

陰火也相傳所沒處輒陷往用爲符信不爽已而風浪果大作撼塘  
震簸闕裂羣譁而奔同官某疾掖公走公曰非若任若速還某奉職無  
狀願止死此據地坐不動良久乃定至今父老猶能指說前事謂公生  
我也公坐是中濕患重腿者終其身云凡五年還湖北按察使下車罷  
上官所庇不肖令而出誣盜者於獄又嘗縛姦婦於藩司署茶夫某室  
中電照霆擊捷出神怪五閩月去爲貴州布政使送者填道至黔公曰  
治黔異治楚於是免掛兌革平餘用廉靜輯民夷得其心滿歲

憲廟御極進右副都御史巡撫江西賜

聖祖舊物十事公奉受感泣益自振奮時有巨盜溫上貴劉允公散僞  
劉聚黨於萬載新昌甯州閒吏以叛聞制府制府命勦公道聞疾馳止  
之榜許首免徒黨解散擒誅其魁儀吉安雍正二年六月疏言閩廣民  
械民兵匪雜處巨現飭屬查出萬五千餘戶編入山造榜壘種穀煙謂之  
冊按年入籍並詳諭各州縣實力稽察上獎勉之制府惑人言盜淵  
藪廣信廣信地連封禁山山界閩浙產銅多巨木土腴宜耕盜資其饒  
搗此則根株痛斷而山利亦盡出因奏請三省會勦  
詔公議公言山荒險路絕不可田無盜跡亦無良材其賦已勻入通省  
額征前明以盜礦致亂用兵討平勒石封禁弛禁必蹈前轍請如故從

律傳六十九

十四

之藩司陳某患鄱陽險因

召對言九江南康舊有河二道鑿之以達南昌便  
上下其議於公公按視石根沙址互三十里施功難且北高於龍開河  
者十有六丈南高於吳城港口者倍之一旦開鑿長江洪湖及廬山諸  
水并衝交匯崩潰汜濫害且首及省會繪圖進力陳其不可事得寢九  
江關舊設湖孺舟比櫛鱗候猝遇風撞擊敗溺月日以聞公奏移之泊  
者枕臥無恐儀吉安湖原在九江後形湖口當江湖衝商船時覆溺公  
請仍移湖九江而於距湖口四十里之大姑塘設口分抽  
事在雍正九年他若業流民卹孤獨崇學校舉廢墜政有毛髮無所回撓雖  
施罷不竣日公於人無心立異同遇事持可否必達其志無所回撓雖  
貴位俛首帖耳莫敢枝梧當是時天下殷盛所在以侈縱相矜高上下  
盤互侵帑道課厄漏山積不可究切公獨清苦自刻削約束軌民矯時  
弊故在任經入無耗失且補歷年無著虧空十二萬五千五百餘兩減  
南昌浮糧七萬餘兩譽益隆起而憚公者滋忌之三年就加戶部左侍  
郎俄擢左都御史

召還京比公去而某令以虧空敗忌者乘之事連公有  
旨清釐江西官民積欠命歷任院司分承而公爲首落職還山西待罪

六年

上念其舊勞盡免責補所未入者放歸田公亦就衰而重脰之疾增劇矣公生於富家恩顯仕而甯靜澹泊無姬媵優伶狗馬世俗之好遇親故皆有恩意喜讀書晚尤嗜易年七十有三卒於里第將卒手書遺命詩一章端坐而逝子一人宗錫今兵部左侍郎巡撫安徽

論曰公受知

兩朝為時名臣乃不獲以功名終齒剛舌柔之理信歟顧黃老之說容

未形公之樹立宏矣

又左都御史裴君事略彭啟豐

公諱率度字晉武山西曲沃人也先世出唐太師晉國文忠公傳二十九世至贈光祿公諱加厚生子三人公其季也少儻有大志年十七補博士弟子員工詩文善書繪及音律之學學于京師受業于韓文懿門應京兆試兩薦不售乃輸金為部曹旋告歸客遊江浙閒再入京補官出守徽江任銅廠撫輯苗獮具有方略上官嘉其才調任廣南復以計典卓異引見

碑傳六十九

五

聖祖仁皇帝命留京賜蟒衣授河東運司辭以本省改授兩浙江南鹽運司下車即清理鹺政整飭驛務先是甯紹嘉松例設掣鹽廳每歲院司分掣餽遺供奉爭為侈麗所費盈千萬皆出于商人公至一概除之時甯邑海塘大決巡撫徐公疏請公治之公率諸僚屬朝夕盡瘁帑金不足捐私財以濟閱一年大工垂成恐沙腳未固請得展限巡撫朱公以入告倍加堵塞海沙漲滿工益完固值歲饑承檄賑恤全活億萬計康熙五十九年秋遷湖北按察使明年春抵任時嘉魚有劫案冤誣者多以上官與邑令舊好欲庇之公力爭罷令冤誣盡釋已而擢貴州布政是冬抵任以廉靜為治舊發兵餉銀每量留平餘以充衙中公用司庫以為請公不可盡以與之康熙六十一年

憲皇帝登極命巡撫江西時萬載新昌及甯州銅鼓營有温上貴劉允公等聚眾散偽牒肆行掠劫誘脅者無算制府飭總兵進剿公星馳赴任示招撫許自首者免舉設法禽其渠餘黨悉解散而制府聞盜藪在廣信其地有禁山山舊有銅礦且多廢壤密請三省會勘既可直搗賊巢兼收賦稅之利

朝廷諭公會議公既委官追勘謂其地榛莽叢密山路崎嶇地難耕種

前明以盜礦啟釁用兵討平之禁碑可鑿設一旦弛禁開通姦宄生心必多盜采是無事滋事也爰具摺陳其狀

詔從公言對禁如故九江南康二府有古河二道或獻計開濬謂可避鄱湖之險會布政使陳公引見以聞傳

旨勘覆公往親勘石根沙址長亙三十里人力難施且北高龍開河十有六丈南高吳城港口三十一丈有奇加之廬山瀑布江湖交匯開之勢必沖決而省會淹為澤國矣繪圖力陳其不可事乃寢又嘗請減南

昌浮賦七萬五千兩有奇補通省虧項十有二萬兩官民使之雍正四年授戶部左侍郎仍留巡撫任又三月擢左都御史會有

詔清釐江西官民虧欠世宗命歷任院司分賠而公居首遂還江西棄產稱貸以應居六年乃

奉

詔豁免已而歸里閱三歲乾隆五年有疾正容端坐而逝子宗錫官安徽巡撫公之卒遺言誠其子勿作行實故志狀之文缺然其風聲遺

烈載于人心者不可得而泯也會天子詔修國史令予具公行事屬予書其大略上諸史館因敘次本末

備史家采錄焉

詹事府詹事加侍郎銜刑部右侍郎黃公叔琳墓誌銘 陳兆崙

按狀公姓黃氏諱叔琳字崑圃順天府大興縣人王父曰爾悟字□□

原無為州同知父曰華蕃字潤采大城教諭祖父皆以公貴初封儒林

郎翰林院編修晉贈通奉大夫刑部右侍郎康熙辛未公年二十以

甲第三人成進士由編修積資涪擢卿貳開府晚節以詹事加侍郎銜

家居乾隆丙子正月卒于里第年八十有五著有養素堂詩文集行世

學者稱北平先生公之先本徽州歙縣姓程氏本生王父曰伯起字瑞

芝順治初嘗攝陝西鄜縣篆旣罷任流寓京師後索逋西遊為盜所害本生王母柳先瑞芝公歿子卽潤采公生甫髫而家難起養於繼母舅黃卽無為公遂後黃氏潤采念黃氏恩重而無為公無嗣子終其身不

忍歸宗每於霜露節望空祀其本生父母嗚咽涕流及卒公始置木主奉安室之西偏用成乃父之志公生五歲無為公口授經書有神童稱聞十有一年甲戌公在翰林又九年遷國子司業明年再遷侍讀居父憂越三年視學山東雍正元年以刑部侍郎典試江南得人之盛為數十年來未有平生接引後進孜孜若不及性好著書隨時與所善商權

參校藏書萬卷或從公借看無不應公餘坐一室中日事披覽及登大  
臺令子若孫口誦而聽之有得輒筆記之其好學如此嗟乎世謂少年  
科第一不幸大抵以學未成而遽竊世榮志滿氣得則或棄其素業若  
涕唾然又得之既易則不知求得者之難甚且蔑視老成傲睨來秀而  
一切不以屑意若公則得自學富之後既得而學益進又與天下有學  
者共樂之至老且沒而後已是科第不足累公而惟公乃足以榮科第  
而增其重也

世宗憲皇帝在藩邸知公名及卽位數召對稱旨三遷至吏部左侍郎  
二年出撫兩浙杭州秀邑多里巷豪猾把持鄉曲慢侮搢紳善爲飛語  
巧中官莫能制公銳意欲除之取其魁十許人杖而械之通衢用示媿  
創就中有病死者一人而適與公姻眷同里遂以疑以被劾落職聽勘  
謫海塘工次効力闕六七年事漸白放歸並豁免塘工所貸官錢顧猶  
僦屋以居母子惴惴乾隆元年

天子廉得公故儒吏無他起爲山東按察使尋遷布政使給還何所籍  
產于是遣子登賢歸奉母夫人吳居德壽堂舊第焉公撫浙時值夏旱  
禱于三竺之神步行三十餘里旋反兩大降校士撫署及敷文書院進

碑傳六十九

七

諸生爲講畫文義諄諄然如家人以故雖在任日淺而人思之其起任  
山左墨吏帖息包苴不行有東來人爲予言悉與狀合夫焉有吏畏民  
懷若此而肯爲殺不辜通私謁者此所以卒見原于

先帝而再造于

聖明優游暮景以榮名終非倖致也公之再起年已六十有五母夫人

垂九十矣雍正中

先帝嘗徵御座木瓜盛以青龍瓷盤漬以薇露而諭曰供母聞香又御  
書德門壽母四大字榜以賜所謂德壽堂者以是得名乾隆七年居憂  
服除改擢詹事尋以兩司任內註誤追論罷職

上亦憐公老欲休閒之前五六年庚辛鄉會兩科後輩踵門通名公爲  
賦詩敘同年事聞於

上其冬遂有復職加銜之命且褒爲熙朝人瑞天下榮之癸卯江南之  
役歸途遇一生詆謫試官而自矜誦其文未終篇公笑止之曰秀才奈  
何次作云云乎其人大慚而退山東按察任內有屬吏進所畫扇十枚  
公歎曰民方苦潦且蝗而足下顧暇爲此其人亦八慚而退蓋心乎治  
一事而無所苟者其隨時發見輒亦相應如此祖父既得封贈如公官

祖妣李母吳並累贈夫人原配馮繼配武又繼配武並累夫人側室王封恭人同母弟琬琪璈並貴知名庶母弟曰瑄子二長卽登賢丙辰進士見任刑科給事中後武夫人生次登毅同丙辰榜見任山西知平陽府王恭人生女二長適靜海辛丑進士前刑部侍郎見任太常少卿勵公宗萬次適同縣丁巳進士原任吏部文選司主事溫君葆經孫曰端綬秉經符綵曾孫曰堯閏某月某日其孤啟三夫人之面而合葬于某山之原王恭人耐焉或曰潤采公多男子宜若擇一以養程而歸之江南則應之曰而不觀狀所稱無爲公病亟時潤采公嘗爲請而嘿然不應乎吁是可哀已人不能無子而有孫歸孫始予歸其子矣潤采無男氏將不得有其身又何有于孫今始終後黃而本生王父母之祀亦世守於別室永無祧報恩返本庶幾其兩得焉禮以義起者也銘曰西山蒼蒼上都是疆伊何降神曰中西坊有道而文富貴壽康牙籤萬軸玳瑁爲裝集外所傳尙以車量小正夏書六官周京易鈔韋絕詩統振綱顏訓節要史通補亡付孫四傳合纂是攻甯盜之擅罔詒以金湖昔海波七邑漂風大官重藹就宿道旁後以罪謫亦在斯鄉豈天相苦爲利浙民魯有孝子判仇于登父不受詠脫以朝庠後作憲司視此勸

碑傳六十九

六

懲會河爲患雨亦暴漲展期春賑緩責秋糧

帝曰俞哉維藩維城凡茲謇軌仕學相章矧其家政作則以身聞闈列女昆弟田荆當世極盛必有老成士仰山斗人誠景慶其生其化乃物之常夫惟舊物雖化不忘爰表其阡勒之幽宮本程之裔實育于黃

又黃崑圃先生傳

先生諱叔琳字崑圃大興人始生具夙慧成童卽通四書五經從學饒仲如研窮性理之奧又從吳述菴究經史學年二十以康熙辛未探花及第列館職益自淬厲與衛旣齊討論宋人語錄恂恂然有醇儒風見者不覺其爲少年鼎甲也嗣歷講讀晉卿貳司文衡節鉞落職復起屏藩山左詹事春宮公餘常手一編以至耄耋不廢當督學山東時毅然以興賢育才爲己任捐修三賢祠於泰山之麓奉宋胡安定孫明復石徂徠欽薦如舊俾學者知所景從又興復白雪松林兩書院延師儒選才傳捐備膏火造士多窮經數用之英翁然稱盛其巡撫浙江也剪除巨惡辯釋冤獄災傷則賑之貪墨則黜之尤以薦賢爲重所汲引者如萊州守嚴有禧長清令劉輝祖皆以循良遷秩而分校禮闈主試江南所拔取者理學有如任宗丞啟運經學有如陳司業祖范文學有如

徐孝廉文靖入祀賢良者則徐撫軍士林潘敏惠思渠也張太史涪夏太史用修李觀察慎修輩皆端方博洽與先生教學相長其餘名士宿儒建樹接踵未可悉數先生善識天下才俊方望溪爲諸生時來謁一見稱莫逆交几望溪所著周禮春秋之學皆與先生往復指畫無少間他如周大璋顧進又數十人或不憚千里或不問歲時親炙就正則其學之及人遠矣生平著述有硯北易鈔闡發河洛之精蘊詩經統說折衷羣說之異同夏小正傳註史通訓故補註文心雕龍輯註顏氏家訓節鈔硯北雜錄則于經濟學術各有指歸纂言粹美著語精純有功儒林豈小補哉計先生自五歲入塾享壽八十有五蓋二萬九千日中無日不學也可謂純篤君子矣

尹嘉銓曰有是哉先生之虛懷善受至老不衰也甲戌秋先生行年八十有三授余史通訓故補注余讀至疑古惑經二篇請於先生欲取昌黎削荀揚不合聖籍之義酌爲節刪毋致貽誤來學先生怡然從之且作後序以志過於戲過亦何傷善補爲貴昔衛武公耄而好學日誦抑戒以自警終成睿聖之名先生有同揆矣

謹案原編有詳陳浙江水利情形疏一首已見經世文編今不錄

碑傳六十九 沈德潛

九

奉天府尹商邱宋公筠墓誌銘  
歲在上章執徐復月大京兆南邱宋公疾終里第孤子瑞金孝廉卜於某年月日葬公於祖塋之東恪遵遺命遺儼從持族子淇園廣文所撰生殯表不遠二千餘里乞銘於余余於公爲館後進形跡疎闊惟於晚年一遇而易簣時以麗石之文爲託知公之契余者素也按表公宋姓諱筠字蘭揮又號晉齋河南商邱人大學士文康公諱權王考也冢宰贈少師公諱榮考也少師公以詩文鳴延攬士類開府江蘇十有四年公少歲隨侍使院與諸名宿遊術業大進既冠捷南宮列侍從年未三十羣推爲巨儒長德矣侍親在告有年旣歷事

聖祖

世宗兩朝在詞館以纂修爲志在鎖院務得人以報國在諫垣務直言以補闕

上鑒其誠擢山西巡察公悉心釐剔如所奏稽查驛傳慎選民壯嚴飭諱盜一一淮行闔境肅然尋授山西臬司釋冤民十餘人河防告警改授銀臺督理江南高家堰河工同事者大理卿汪工竣覆奏同時召對汪奏未明

上命宋獨前按圖指陳瞭如在目  
上稱是者再隨令出與桐城相國張大司農海同議公將工次情形密

示大理推首先對二公覆奏

上始釋然二公見公協和寅亮推為不可及由是遷江西藩司兼攝臬  
司并護撫篆政務紛沓時適會姦匪王益善等倡立邪教支蔓江右浙

閩三省公盡力研究置首惡極刑其愚昧脅從者分別懲治得

旨俞允不弛不縱四境甯謐不欲以多殺人為功也旋晉奉天府尹奉  
天旗民襍處城守尉倚勢陵人至奪人妻女公下車卽具疏嚴禁民情

少安而忌者滋起恭遇

今上御極公赴都入覲

恩禮有加其時有郡守城守互訐事部議譴級調用時公年方逾艾有  
勸公具奏陳情以圖開復者有勸公循資俯就以待超擢者而公歸志

已決以疾告言旋矣先是少師公構別墅於城西顏曰西陂公挈家居  
焉善述自娛不入城市者十五年會上幸中州公伏迎道左蒙

恩賜環而公年已七十矣明年恭祝

慈甯六十萬壽入都行大禮後余見公於班行中並論詩古文并互述

碑傳六十九

守拙猶介同心之言如磁引鍼別後遙遙企望淹忽十年而老成遽凋

謝也嗚呼天不憖遺其可悲也哉公生於康熙辛酉卒於乾隆庚辰年

八十配李氏繼配劉氏子二珮金丙辰恩科舉人先歿瑞金癸酉科舉

人孫三齊唐齊魏齊幽曾孫聖麟公所著有綠波園詩集使滇錄四書

文稿余文不足重公感公遺言為之草志以交誼雖疎而心相與者深

也事實外不加藻飾生平節目詳淇園生曠表中銘曰

中郎為人作墓碑惟郭有道無媿辭余於晉齋亦如斯據扶元本言無

枝後有考者其釋思

光祿寺少卿楊公秘墓誌銘袁枚

公諱秘楊姓字靜山奉天正黃旗人生有至性侍繼祖母疾衣不解帶

至蝨緣領遊益敬十九歲知陝西兩當縣丁父憂再補直隸固安故事

修永定河秋汛畢工與永定道黃某役不將賈遲延及冬朝涉者數家

公憐之許日出後下鑿黃巡工遲民之來將督公力爭不得乃直前

牽其馬至凍溜處曰公能往民亦能往此時日高春陽光熏人公重裘

尚縮瑟乃賁袒肩者戴星來耶黃大恚適館張牒將劾公會撫軍安溪  
李文貞公過柳家口聞之召謂曰汝年少能然古之任延也勞以酒解

裴衣之事得釋調宛平固安民以爲大戚聞宛平吏來迎驚聚而逐之  
聖祖獵水圍過固安老幼爭留公

上大笑以爲誠許食知州俸知固安縣事旋權鄆平壽光諸城數縣有  
夏姓民競產餉銀五千公卻之諭卽以此金遺若弟夏昆季泣于庭睦  
如初遷雲南曲靖府調麗江麗江故苗地中甸外控鶴劍內鄰峽徒羯  
狹寥狼屯雜一旦隸爲編氓如開洪濠守土者嚮斷不肯往公到爬梳  
捐瘠俯順荒遺合口樹一本榆畝畜一溝水召土官爲典吏諸里魁以  
頭目充除奴籍建文廟定婚葬禮頒尺籍伍符期年俗化風雨和甘俸  
錢寶布大行民祀公于廟號第一太守祠先是民間有遇木則易禾必  
見日之謠土官土人皆禾木兩姓而公名姓恰合亦異數也遷湖南糧  
道西安布政使署湖北巡撫沔陽地濱湖淤沈無常田與糧離稅法玩  
傲公手弓尺丈之按畝輸數無訛調撫四川奏減火耗改馬廠爲普  
濟堂墾田千四百畝登租貯穀養鰥寡老癯乾隆二年請撤河西七兒  
堡城垣忤

旨罷官七年起用甘肅涼莊道尋遷光祿寺少卿以老休于家公豐碩

神傳六十九

王

善騎射用弓至十石  
聖祖時東宮侍衛德齡以廢太子故逃恃其勇泛海至靑州官拘者擁  
役數十持械無敢前公往剡剡起履忽皆抱其背屬之德抽刀公叱之  
刀落于手

聖祖以爲日磳縛莽何羅不是過也涿州夜下鄉遇響馬盜方洵洵劫  
人公射之殺二人獲一人督糧湖南奉牒禽李鐵背刺魚大王公偵知  
竄入旗丁故闖岳州幫禽之案下至老神明不衰長孫魁官江甯公來  
就養騎上下山如飛年已八十四矣甲申十二月某日跌坐而逝公先  
娶李氏再娶黃氏俱誥封夫人子國棟官廣東韶州知府銘曰  
仁之徵壽也福之集厚也清畏人知指屋漏也勇而好禮伏不鬪也雲  
之油油楚蜀覆也大臺南游神彌茂也望夏坡殷璜而增周邦之舊也  
厥聲隆隆孫將又也天其以是鍾美于後也

碑傳集卷七十目錄

乾隆朝督撫上之上

通奉大夫巡撫湖南都察院右副都御史馮公光裕墓誌銘彭啟豐

又通奉大夫都察院右副都御史巡撫湖南馮公墓表汪由敦

中丞公碩色蜀政記劉紹攸

記混同顧公琮事雷鏞

太原王先生恕傳略沈大成

故巡撫江蘇都御史文登徐公士林奏稿書後沈大成

資政大夫提督江蘇學政都察院左副都御史前兵部右侍郎巡撫陝

西湖北崔公紀墓誌銘王善楮

又資政大夫提督江蘇學政都察院右副都御史崔公墓誌銘沈廷芳

又資政大夫總督倉場戶部右侍郎崔公祠碑彭啟豐

江蘇巡撫都察院右副都御史王先生師傳陳兆崙

通奉大夫巡撫福建等處地方提督軍務都察院右副都御史贈光祿

大夫敏惠潘公思集神道碑沈大成

山東巡撫白公準秦墓誌銘袁枚

湖北巡撫唐公綏神道碑袁枚

又方伯唐君暨夫人吳氏合葬墓誌銘錢陳羣

武英殿大學士忠勤伯太保黃公廷桂神道碑袁枚

又武英殿大學士總督四川軍務文襄黃公傳四川通志

子告資政大夫前任廣西巡撫工部尚書衛公哲治別傳陳兆崙

乾隆朝督撫上之上

通奉大夫巡撫湖南都察院右副都御史馮公光裕墓誌銘彭歌豐

乾隆五年閏六月巡撫湖南右副都御史馮公卒於官時湖南方有征

調之役倚公才以辦軍事及遺疏入

上驚悼詔予恤典如禮孤子祁等以其冬奉公柩歸於鄉明年春走使

至京師以狀乞余銘按狀公諱光裕字叔益號損菴世居山西振武衛

今籍代州曾祖如京官廣東布政使祖雲驥官禮科給事中父璽官廣

西南甯同知祖考皆贈通奉大夫公為人精敏強幹熟於經世之務雍

正元年以舉人應薦赴邊知雲南大姚縣至則清道賦卻土官餽遺未

一年遷貴州銅仁府同知赴闕引見時議取古州苗

上詢苗疆情形公謂苗人無知不宜盡殺宜隨機化導令歸版圖

上遽公言復諭有見當直陳公因奏言清浪平溪二衛隸湖南不如改

轄於黔為便

上從其請比公在道即擢思州知府又調永北知府雲南諸府皆在金

沙江南永北孤懸江外與蜀連界苗獠窟其中有事則兩界交謗總督

命公往勸公輕騎率十餘人抵境羣獠從谷中噪而出挺刃相向眾懼

欲走公曰走將安之因策馬直前諭以利害諸獠環跪聽命各散去總

督薦其才調麗江知府兼理永北府事俄雲南驛鹽道副使時東川

烏蒙獠夷叛鎮兵逗遛不進公請於總督夜馳至軍與鎮帥畫策進討

平之旋擢按察使東烏初定俘獲累疊公虛心聽讞矜全者甚眾

上知公廉幹特授貴州布政使古州苗叛丹江台拱諸寨皆警徵兵會

勦公指畫餽運無愆期招來流亡給以衣食難民復業又請蠲額徵錢

糧以甦民困會

今皇帝嗣位得諭旨連蠲三歲賦額黔境以宣乾隆二年入覲返請免

南籠安南二處鹽稅裁革婺州濯水二稅口部議格不行四年春奉

命巡撫湖南鎮守紅苗亂公集兵攻之擒賊甚多不三月而奏捷

天子加恩議敘會疾作請假調治聞綏甯苗人句結粵徭謀作亂即密

咨兩粵總督豫籌協捕已而疾劇遂不起拜遺疏言城綏兩邑憊於兵

瘼請蠲今年租公至死而不忘勤民如此生平自奉澹泊篤於親故急

人之難治官遇事剖決如流無巨細悉身親之湖南壞錯黔粵值苗之

蠢羽書旁午每至丙夜不少休愛公者頗引諸葛君食少事煩為戒迄不能改也先是弱冠時居南甯公喪毀瘠致痰癖卒以痰癖終生平好書無所不窺著柴門老樹村稿詩歌雜文雄駿有奇氣精六書篆籀之學生於康熙二十三年得年五十有七夫人王氏子二長祁翰林院編修次鄴舉人女五孫男廷丞蔭生廷正廷工廷立廷奎孫女三以夏六月二十八日葬於烟旺村之東南原

又通奉大夫都察院右副都御史巡撫湖南馮公墓表注由欽

皇朝定鼎百餘年列祖德澤洽海宇含齒戴髮之倫下逮昆蟲草木無不與破仁厚之化熙然樂生而苗獮負性狼戾蝥蟊無所知識間乃撞搪跳躑於瘴鄉烟霄間騷我邊吏其窟穴徧黔楚南之境泄其土者非瞭悉形勢莫能得要領非具文武才用應機立斷措施莫得其宜故朝廷恆慎重其選故都御史馮公自筮仕迄屢遷官皆在雲南貴州地已乃拜巡撫湖南

之命會城步綬甯苗獮為奸人所煽動廣西湖南發兵會剿部署方亟而公以勞疾卒於位未竟厥用然公服官十有七年始終不出苗境屢遇

碑傳七十

徵發決策具合機要昌黎韓氏所謂行事適機宜風采可畏愛者公無

愧焉公諱光裕字叔益自號損菴世山西振武衛人衛治代州雍正二

年衛省遂為代人曾祖廣東布政使諱如京祖禮科給事中諱雲驕考

內閣中書歷廣西南甯府同知諱壘母田氏內閣學士兼禮部侍郎諱

喜霽女祖考皆以公貴贈通奉大夫母贈夫人雍正元年冬公由康熙

辛卯鄉舉推擇赴雲南試知姚縣事所治多土司恆納賄命吏倚以

恣奸利公至揮其餽迄去無敢逞薦擢貴州銅仁府同知引見得

召對時方議取古州苗公謂髮髮鑲耳者流抑使就衛勒必不免蹄嚙

草薶禽獮傷天地和相機化導終不化外棄顧需假歲月耳

憲皇帝頷之復用公言改清浪平溪二衛為縣就近隸貴州公之受知

自此始也尋擢知貴州思州府未任改知雲南永北府永北介金沙江

外與四川犬牙錯苗獮竊發交相誣以為常公承制府檄往釐之禦阻

險挺刃噪以嘗公從者怖欲竄公叱止之按轡前徐諭曰我太守也來

撫爾眾俾世安業毋恐猥眾雖不解公語見公神色不動羅拜歎息散

去僕夫迷失道翌日味爽猥眾導以歸公則前挺刃向者也公從容按行

增浪蕞承甯戍守歸報制府制府者今相國太保鄂公也奇公才奏改

知麗江府尋薦擢雲南驛鹽道雍正八年八月東川烏蒙叛鎮將擁兵駐弓山觀望公齎制府軍符一晝夜馳七驛抵弓山畫策進剿發鎗手百人護糧五百石入東川為鎮兵策應扼拉江使烏苗不得合我兵由內地入撫海會威甯兵張翼進東川以平進雲南按察使閱三年擢貴州布政使十三年春古州苗叛都江清江八寨丹江台拱新附苗蜂起響應焚劫凱里黃平餘慶青溪

朝命六省大兵會剿公督餽餉先是內地民徒手轉粟輒遇劫殺而熟苗承役官兵殺以冒功重運給資糧歸則無所得食遞運當計里交卸督運者恐後期兼程進資糧無所加無樂應募者公計往返期賦資直民子器械以自衛刻木符給熟苗飭官兵毋敢殺民苗爭應募大兵十餘萬皆得宿飽兵旣罷殘黎轉徙僅存無所棲止老弱枕藉道路公給草舍居之賦以衣食夏大疫設局予方藥死者構而理之凡復業二千餘萬戶黔省賦額八萬八千兩米十五萬五千石有奇公謂兵燹徵調之餘非大沛恩澤元氣不復奏上遇

碑傳七十

三

今皇帝登極命三年皆勿征又條奏增營協集兵威禁妖巫又奏古州丹江諸苗剿絕竄死荒田空塞遠近相望當募民居苗寨墾苗田增築城堡設屯置衛行保甲之法授以降苗所入軍器農隙講肄戶以二壯丁計五六千戶可得勝兵萬餘人聯絡營汛壯聲援而省餽餉久之布

滿苗境可漸革苗俗此久安計也得

旨允行置古州兵備道領屯事乾隆四年春

特旨擢副都御史巡撫湖南軍事鎮草苗竊發公曰此姑息者釀成之

不大創且滋蔓亟會總督提督發兵不三月討平之明年四月復有城

步綏甯苗搖之警公先已臥疾數月力疾調軍為進討計厥晨猶校射

拔補標將日晡疾革次日日加未遂卒閏七月六日也遺疏聞

上震悼予祭葬如制初告警時或以小寇易之勦撫異議公決策進討

公雖歿而逆苗次第就殲公精於吏事大姚賊不逾六千耗倍之積逋

數萬無問多寡輒予杖徵不前公不取耗視負尤多者薄責之逋賦悉

清民寄豪戶避重耗造偽券占田奸胥相表裏毀故籍公檢毀未盡者

藏之按牒辨其偽歸田故主人服為神其任鹽驛道鹽井久不治江水

滲入公修之產益饒驛夫不足供轉運役及平民公計役酬以直毀折

者給耗鹽卹之其監錢局局二十五爐歲鑄錢十萬一千餘貫前監者

加鑄六萬餘貫滯不行公請減月鑄之數以償積虧鑄既減工食無所

出公以已資餽之爐戶得食而官錢亦無滯更以其贏贖工役其爲按  
察使治東川烏蒙俘七千人語不可通通事互譯無不得情者隸姓名多相  
事於使院隔別居之訊一人經數通事互譯無不得情者隸姓名多相  
同公爲編次書年貌驗決得無誤省釋亦數千人承檄治廣西李天保  
獄公曰愚民茹蔬誦佛非有異志特不當羣聚耳治違令者數人大理  
亦有邪教從者千人按籍追攝多繫累公焚其籍獄遂已公喜讀書好  
禮士大夫篤交誼葺貴山書院取諸生文行優者肄業其中僻遠無從  
得書遣官之江南購經史羣籍數千卷俾縱讀之丙辰  
恩科鄉試巡撫有軍事公代之監臨盛事周敏士歸德焉公年五十有  
七配王氏封夫人子男子二長祁乾隆二年進士翰林院編修直武英  
殿次鄒乾隆三年舉於鄉女子五嫻族詳墓誌中孫男五廷丞二品廕  
生廷立廷奎廷正儀吉案彭誌係廷丞廷立廷奎公卒之明年  
夏六月二十有八日葬州州旺村之東原祁來請書隧道之石予惟公  
以勞卒官治績藏於有司於國史當有傳爲揭其大者俾刻於旣庶來  
者有考焉

中丞公碩色蜀政記

劉紹敷

碑傳七十

四

蜀爲遠地政多因循大中丞碩公乾隆二年自秦移撫時文武弗協互

相訐奏士吏各設城府事日勞

上患之擇可以嘉靖者乃移公公至諭以至誠與之語藹然絕畦畛然

律身甚嚴相對終日正襟莊容不可以私干一言之出渝久可復由是

皆悅從所屬望風無抵牾

上聞而喜蜀故有官莊歲收租食凶然皆病瘠棄餘佃者初不知及收

不如額鞭扑日加多亡公爲請免宥活甚眾乾隆四年

上念積貯令民入穀肄業太學舊例在戶部捐銀一百八兩是時各督

撫議穀數率值二三百金公議蜀值不過百人皆不悟所以旣而他省

皆缺額或減或停惟蜀入最多缺者不產穀數邑十之二三而已乃知

公有先見相與歎服當公始至成都米貴雖所在出倉穀而民間造米

率用水碾貧民弗能有持穀終不得米公令所司爲米減糶卽日市平

迄今歲歲仿行民甚賴之皆公賜也公以雍正十二年授秦撫至是六

年矣初康熙年間在外大吏類結納京僚雍正以後謝請託猶隱相於

公獨單立傳

天子明聖能知公以乾隆四年七月徙山左五年十月復來蜀茂州蠻

酋恃從征有勞虐其部人部人屢請自歸當事罔敢任至是款公門者  
三千人公許之吏議不可部人歲獻酋穀六十石公令納州轉給酋吏  
謂歸州則歲收勿與旣與則不歸指爲調停公曰部人犢首皆我朝臣  
子去水火而卽安全柰何拂之收其入則近利轉給之俾知臣其人者  
不利其有實所以調劑之也吏議皆屈淪關木稅數年不如格乾隆五  
年贏三千六年缺百有奇司權以實告懼千部責請以長補短公曰若  
是欺也司農果責其短公曰權貨無常短於乙而長於甲甯不足相抵  
必歲歲適均教之歟也密陳其狀事解江南水害稼

上軫念民艱命關東海運以濟廷臣承

請則民病食乃請撥倉穀章甫上果有言購川米者而公奏在先乃如

云奪貢物執事議勦謀定兵符日三至公不可執事曰公非不近情胡

與我異公曰行劫盜也非叛中國固有之焉用勦且其壯者已走獨老

弱留巢穴徒殺無辜而外夷多賢遷又安知非詭稱貢物執事不能奪

未幾清溪西藏皆有事羽繳紛紜賴公安戢公馭下不逆億爲政不苟

小生平無他嗜冬一裘夏一葛食朝夕一味歲時問遺誠門者勿通尤

愛才蜀以僻陋吏不習文法公多方教育接僚屬畢坐一室躬親案牘

自早至暮不毛舉而巨細悉張賢良則破例薦揚官方丕變或以爲易

事難說或以爲君子三變聞者稱其篤論乾隆八年五月河南少雨撫

臣不獲安輯

上重其任特命公往囊無一錢布政使王公都統永公假貸以行公名

色字靜菴滿洲人

謹案原編有中州水利疏一首已見經世文編今不錄

記混同願公琮事雷敏

余夙聞望溪方先生言任大事不爲利害屈撓者願用方也公諱琮字

用方以地望稱混同

世宗初年設會考府公爲主事杖府吏親王初不悅而後奇之妻聘久

未歸人咸訝焉繼乃知爲

聖祖之喪二十七月故也公每念其祖爲公正大臣時自感奮用振家

聲祖諱八代侍學

世宗最久官至大宗伯諡文端贈太師者也父性豪侈公每得

上賜奉其父雖千金數日而盡家仍貧公惟恐父心之不歡每奏對據

理直陳或過闊迂近於憊直遭逢

聖世終始委任總督漕運及南北河者久之以老病罷歸京師至不能

傲屋以居公嘗持議欲行限田法以均貧富與用事大臣動色爭於

上前素以不欺待人而不虞人之欺恤下犒勞必厚而自甘淡泊在京

師守制時小車敝帷人不知為公也生平最敬服高安朱公懌園徐公

與望溪先生公嘗言如高安乃真無近名之念人謂滿洲大臣徐公後

德望當推公云公與前總漕魏公接任時有文覺禪師者自都出聲勢

恒赫騎從如雲大吏率屬郊迎恐後公與魏公若弗聞也者此雖小節

亦足見二公之所守魏公諱廷珍字君璧直隸景州人以清德重於時

太原王先生恕傳略流大威

公諱恕字中安又字瑟齋重慶安居人曾王父吉士明崇禎丙子舉人

累官南甯知府大父瓊邑諸生父邦甯歲貢生生三子公其季也年十

四卽遭母夫人喪諱日之戚持之終身讀書勤苦家貧不能繼燭夜然

竹自照赴省試重跣行千里康熙壬午登賢書數上公車不第奔走四

方辛丑始成進士入翰林又明年癸卯

世廟董正治官首蒙眷知改吏部文選司員外歷驗封司郎中甲辰典

試黔中道拜廣西道御史既復

命分校禮闈其冬從相國朱文端公視江浙海塘明年丁父憂歸衰苴

不去體者三載戊申起補兵科給事中旋出視湖北漕逾年絀誤失官

復來京師會高文貞公移節金陵奏薦起用辛亥署江安督糧參議

今皇帝御極擢廣東按察使己未就拜布政使明年巡撫閩中壬戌四

月罷鎮還朝其秋改藩於浙到官僅一月出送過客疾作座上輿歸而

薨十月十六日也距生時康熙壬戌六月二十四日得年六十有一公

居內職所歷皆清要聲望翕然推為君子及出使外尤習吏事在江南

爬梳漕弊後以為法賑鳳陽災活饑民無算在粵東數平反大獄極論

冬至後決囚非宜既至閩中繩貪竄擊豪強講積貯修水利肅軍伍抉

奸蠹端風俗興學校其尤大者奏免崇安無田浮賦及閩侯諸縣災民

貸穀請禁南洋市舶借運潮州倉以救臺饑皆人所不能言公獨言之

而

聖主聽之可謂得行其志者矣公為人器量闊遠無喜愠之容御下尤

寬不輕撻一卒而材識明敏人亦不敢欺之與朋友交有終始急難濟人傾囊篋不憚仕宦二十餘年家無長物舉復之夕敝裘登屋嗚呼僅矣自曾大父以下皆以公貴贈如其官妣皆封淑人夫人周氏父之彝陝西永壽令公受經師也有婦道先公卒男六人長汝舟甲辰舉人次汝楫諸生周夫人出俱先卒次汝彭汝諧則室祥符關氏出汝嘉汝璧常熱陸氏出孤孫桐初公得詩法於高文良公聞正學於朱文端公公退埽地焚香手一編自課宦轍所至輒闢精舍偕賓佐觴詠其中秣陵曰埨影樓羊城曰葵亭三山曰瞻臺宏長風流輿拔士頽汲汲至忘寢食常與長洲許君廷鑠及成論詩聽事筆研不及卽推許上坐而公西向旁坐濡案上丹筆掀髯吟賞在聞訪永福黃君任於陋巷中屏騶從步入黃君聞至留飲月上攜手送之辛酉監臨所賞士張君甄陶文高被黜歸爲賓佐言之發憤流涕其篤舊愛才出於性生如此尤愛少陵昌黎義山三家詩手自箋註彙凡數易丹碧斑斑然暇卽展翫其他世俗聲色之好泊如也所著文章詞賦及奏議甚多海內學者尊之曰樓山先生蓋樓山卽公少時讀書地因以自名其集云

故巡撫江蘇都御史文登徐公士林奏稿書後

碑傳七十

文登徐公由名進士以中書轉刑部郎出守皖超授江蘇臬司左遷汀漳道丁贈公憂去職先後奉

七

文登徐公由名進士以中書轉刑部郎出守皖超授江蘇臬司左遷汀漳道丁贈公憂去職先後奉

朝命署江蘇之撫藩俱上疏辭服除卽補江蘇藩司執拜巡撫以疾乞歸省母薨於淮安舟中其爲守爲藩臬爲巡撫於吾吳獨久其在閩在豫又吾客遊之所至故公之治行德澤被之深知之素且得之謳吟謠頌最詳而覈也今年春公子朝亮來廣陵始讀公之奏稿蓋自乾隆己未至辛酉三年之績胥在焉觀公之所以入告而聖主之所以批管者都俞吁咈何減唐虞迨夫思親而病病而陳情而上之溫諭往復遣醫臨視許之歸而仍俟其還鎮君臣之間恩誼殷渥至於如此所爲曠世而一遇者也何其盛與然公之疾由勞於官而不得見其親而又恐有孤

上之倚任是以未及至里而遽薨也嗚呼此江南之人至今有餘悲也

公之奏稿總五冊其在籍乞終喪三疏及任豫藩所上劄子則別爲一冊云公之子曾舉於鄉爲人剛正有父風公侯之後必復其始安知不

來宦於此乎亦吳人之志也乾隆二十有七年歲次壬午夏四月合朔

部民華亭沈大成跋

資政大夫提督江蘇學政都察院左副都御史前兵部右侍郎巡撫陝西湖北崔公紀墓誌銘

王善精

崔公諱紀字南有號虞村一號定軒曾祖諱志睿贈資政大夫總督倉

場戶部右侍郎祖諱龔武贈光祿大夫巡撫陝西兵部右侍郎兼都察

院右副都御史父諱執禮封光祿大夫巡撫陝西兵部右侍郎兼都察

院右副都御史世居蒲州之潘侯村雍正四年蒲升為府附郭縣曰永

濟遂為永濟人余與公同鄉素以志相勵知公最稔公生五歲而母常

太夫人卒公哀毀若成人事父及繼母劉太夫人克以志養康熙戊戌

成進士以庶吉士官編修雍正間官至右庶子

今天子御極公敷歷中外其恤民瘼布皇仁卓然有為者尤在兩任巡

撫歲丙辰公以倉場侍郎鞫事蘭州

天子嘉其盡心即以公撫陝西公聞命肅然曰巡撫之職其本有三利

農功整文教儲軍精是也區區檢點案牘求無錯誤至大者亦不過代

藩臬轉題錢穀刑名皆未而已矣自蘭赴陝於路齋戒昭告神明念秦

川八百里苦澇少苦旱多其河渠沙壅滲漏歲久冲圯者應修應開外

必倣山右鑿井灌田法乃足備旱車中熟籌十數日鬚白數莖鄠縣高

士王心敬字爾緝號豐川者力學通世務屢徵不起公素重之途次涇

陽聞豐川著有井利說抵任後即遣使敦訪得其書又手畢再三詰究

顛末若渭南九州縣地勢卑一二丈二三丈即可得水渭北二十餘州

縣地勢高四五丈或五六丈亦可得水其井需磚磑者幾何其土堅不

潰不需磚者幾何大井用水車小井用桔槔厥費幾何徧諭司道屬員

確查詳酌皆以於民無不便報然後具草一一奏陳

天子許借給鑿井資本井成後不以水田起科公乃下其法於官吏又

慮惰夫淺人粉飾乖張每鄉擇士民品優知土俗者一人總理數月間

標弁報新開井七萬餘就中善辦理者莫如鄠縣王令於暑中拮据大

小井二千餘臨井之穀若別有天蓋經豐川親指畫也龍洞渠者鄭渠

白渠也儀吉案龍洞渠非鄭白故跡公大修其湮廢又開新舊渠七十

餘道會鄭渠白渠亦不問此語誤有言公辦理鑿井不善者陝督查郎阿又言公庇桑梓不問私

販穀

天子曰崔紀本意為百姓起見且其才尚屬可用調任湖北巡撫以觀

後效公復以日夜所圖請豁捏墾地畝河沖地畝更名折徵及旗標積

貯其六條請交後撫張楷

天子報可後撫稱查民寔被利之井三萬二千九百餘迨辛酉歲小旱  
惟非井者所收如故民益私鑿井歲增廣矣公撫湖北歲餘謂湖北  
非陝北也農田水利小民自能經理盡善士多聰慧書籍亦廣魚米之  
鄉軍儲易備惟是大湖南北歲食淮鹽七八十萬引又帶銷十萬引雍

正元年

欽定鹽價每引不得過五兩迨後日漸增加雖屢經議平飭減而該商  
總集漢口獨行居奇巧為稽緩刁難多端驛鹽道朱倫瀚又詳查成本  
陽為核實之舉陰為虛開之地每引竟增至八兩統計每歲剝削湖廣  
民財直至二百七十餘萬兩欲甦民困不得不請定鹽價欲定鹽價不  
得不先分地分用是於乾隆五年正月縷縷陳奏而鹽政亦摺奏公以  
鹽政具奏不寔歷年場鹽從無缺少之時亦無太貴之價又具揭內閣  
戶部細核成本每引不過三兩  
上特召公入議湖北人送公如蟻沿江岸頂香如雲先是陝民數萬哭  
送公有爭願一肩輿者兩地至今尸祝之公既行湖督班第以被劾道  
員有挪移事波及公又以議鹽參公於是部議革職  
上謂處分太重僅降六級調用雖分地行鹽之請不行而聖明特允廷

議每引減去二兩俾湖廣人民歲省一百七十餘萬之脂膏

九

天恩浩蕩與江漢同其廣永矣辛酉秋

上特起公為祭酒初公兩任司業兩任祭酒諸生尊行服教而研經析

疑皆爭記錄至是五涖成均人人慶宗師復來也公以身教人尙寔學

於成均於順天學政兩任江蘇學政於陝西湖北書院及歸教里人不

倦者如一日方巡撫湖北充監臨將揭曉檄司道整齊落卷公親校閱

取入書院謂觀風寬假不若風簷三場底蘊盡見也以故楚才書院獨

盛其遴才得真類如此甲子夏

上命公作太極圖說公援筆立成以奏是秋典順天鄉試與雍正丙午

典福建試暨丁未丙辰充會試同考官俱稱得人丙寅夏公任江蘇學

政方視學淮安奉  
旨鞫盜於浙江盜者甯波營兵也為縣令所得營弁以術緩其報文則  
預除盜之尺籍而以自行緝獲先報制府縣令反以疎防免官  
上知其失寔命公覆讞公至浙會城閱案牘牽連弁兵猥多公擇其當  
訊者以次調至杭從省研問不四十日而讞案明白

上遂解制府任悉報從公奏焉公丁外艱歸里深以不得視舍斂爲勵  
喪葬盡禮服闋除山東布政使東省頻年災貧民借官穀累數十百萬  
石秋成後應以本色還官公奏請以部定六錢之價改收折色以紓小  
民運送之費得旨如所請庚午復以左副都御史任江蘇學政四月抵任刻期按試不  
遑寢食而公遺疾矣復力疾畢試事病益篤呼家人口授遺疏無一語  
及家事於八月十日亥時卒於江甯官署距生於康熙三十二年十月  
二日戌時得年五十有八配荆夫人先公一年卒子一雙蘭女三長許  
字已酉舉人張君由仁子庠生燕未嫁卒次適鴻臚寺少卿宋君在詩  
子戊辰進士今任常山縣知縣鑿三未字公爲人嚴氣正性遇事持大  
體揆情理歸於和平寬大

聖朝博採眾議公屢疏奏以保護士氣矜重廉恥爲先如職官諸生事  
有違犯應論者必使廉問有寔然後除名自公發之也當鑿井被物議  
或忿議者之忌諧公則謂奉行者寔未盡善非盡善非成錦也白湖北  
起行商人知公之不爲利疚也購人爲調停之說微動公以勢公毅然  
曰吾不忍以民膏供模稜也友愛兩弟敦睦族黨生平無私財祿人悉

碑傳七十

上高堂用必稟命性好施予秦中學舍公捐養廉數千金以廣之爲鄉  
人修故土渠改甃以石鄉人賴之公書法遒勁有體爲詩尤嗜少陵自  
少入翰林至詹事品凝望重人謂眞端尹所著有周易講義十二卷學  
庸講義二卷論語溫知錄二卷讀孟子劄記一卷讀周子劄記一卷詩  
書講義未刊者其十四卷公將以某年月日葬於某所公之仲弟乙卯  
舉人繹以狀請銘余瞻言夙好慨念老成銘曰

博陵之裔兮蒲坂鍾奇民生是任兮文教是持強禦不畏兮挫折不移  
大用未就兮遠騎箕浩氣常伸兮史冊輝

又資政大夫提督江蘇學政都察院右副都御史崔公墓誌銘 疏廷芳  
公諱紀字南有姓崔氏世家博陵遷蒲州州今升府縣承濟故爲承濟  
人蒲俗本敦厚而崔氏尤以謹愿傳家公曾祖某贈資政大夫祖某考

某贈封光祿大夫妣常氏繼妣劉氏俱贈一品太夫人公生五歲失恃  
哀禮已如成人稍長折節讀書有匡濟天下之志登康熙戊戌甲科選  
庶吉士本名珺

聖祖命改今名既授編修升司業洗馬庶子充日講起居注官拜祭酒  
詹事視學畿輔擢總督倉場侍郎轉吏部皆能其官而巡撫西安湖北

績尤著秦地頻苦旱公請開渠七十餘道龍洞古鄭白渠也工費更鉅民子來趨事不日渠成溉田數萬頃不能渠者則鑿井以灌田民利賴焉秦人多尚武文風未振

世宗命設關中書院士始知學公捐俸增舍又爲臨潼扶風兩書院置田以資膏火於是士尤切感奮游多明達之材西安同州鳳翔三郡早請以河南協濟米十萬石撥運分貯用備振糶民乃足食乾隆二年潼關滿洲兵移駐西甯刻期當發行糧鎧仗俱關兵赴轅環顧公恐稽時日乃先發藩庫預備軍糈金以給奏方上所司以擅發帑藏議鑄級上命調撫湖北公經理關中事宜有未盡復陳數條得

旨交繼任舉行既抵楚民曠賦繁較秦難治而地瀕江漢遙控湖湘水溢每多橫決旱乾則屛掾爲勞乃攬山川按土俗軫疾苦請貸民粟以修堤堰復令民自鑿池塘民襄力如撫秦時俗貴男賤女生女輒溺之舊有育嬰堂已廢公申厲禁爲修葺置田以籌久遠勒碑誌之全楚食鹽待給淮運鹽艘胥集漢口巇商牟利居奇值任增長遠地民多淡食公請分地以售并定其值

碑傳七

十一

召入與政府大農廷議之有議以值稍減而所行地弗分者公曰民困淡食且脂膏已竭安有吏斯土而坐視者耶吾官可棄志不可奪也持

其說益堅遂爲忌者所中部議當落職

詔鑄六級調用公知愆直不爲時所容念封公篤老家居竟乞終養歸

上尋思之特起家復爲祭酒成均多舊時諸生延頸望公至至則著讀

易劄記詩書講義四書課講周子劄記諸書與諸生講論彌切每當梨

影日斜猶勤勤不休咸以爲退之亢宗復出公先後主試分校視學均

稱得士洎是典甲子京兆試以司成承是命

國朝所罕尋視學江蘇奏以現居戶冊爲定以杜冒籍之弊寬歲試遊

學之限踰三次乃斥既稟早給以佐寒峻資斧士皆戴德外艱服闋授

山東布政使山東積歉後民貸穀當償公慮穀貴傷民請以銀代且定

其價

詔著爲令未幾升右副都御史再任江蘇學政因積勞成疾薨於江甯

使院年五十有八

國家慎重封疆凡命大吏必選賢能有德望者故百餘年間名卿鉅儒恆膺其任公以幾庶體貳之才出撫秦楚方將發擢所學以教養斯民爲朝廷培植元氣故所居民戴所去民思而屢用屢躋卒不能大展其

設施

天子一意嚮用公亦既其忠誠不憚勞瘁以報天下爭以此望公而公乃遽亡矣悲夫娶荆氏封夫人先公卒于雙蘭尚幼既薨之二年雙蘭葬公於某鄉某原以狀來請銘公與先大夫丁酉同年友也余在館職曾拜牀下比觀察左海適公來為邦伯立身奉職提命實多事有應舉必相佐佑嘗告人同官沈君賢者也又嘗見公遇事有不可輒輒然曰士君子務引其君於當道奈何若是嗚呼今之人有此哉銘曰

於赫崔公翼翼巖巖垂紳秉節朝野具瞻勤報一心思宏勳德恩實交孚名留鯁直碩學敷政奚媿古人史徵芳躅視此貞珉又資政大夫總督倉場戶部右侍郎崔公祠碑彭獻豐

蒲州崔公既歿十餘年其鄉人思之即所居里度隙地為祠以祀公於是公服公之教往往能道公之為人公平生服習聖人之教於易詩書大學中庸論語孟子諸書沈潛其義訓心有所得輒著之於書積十餘卷其居官行事毅然有法守不為苟同之行有可利民者排眾議行之巡撫陝西時關中渠道湮沒頻苦旱公憫然不甯與工鑿井九萬餘民以為利又按古鄭白渠故蹟開七十餘渠溉田無算繼巡撫湖北湖北歲食淮鹽大賈牟利價日益為民厲公奏請核定鹽價分地行鹽以便

民

天子召公面陳利害時有異議者公爭之力會以事挂吏議不果行既家居嘗於旱歲釋穀以賑有餘穀擇鄉之賢者主之春秋散斂為經久計鄉人賴焉公之不負所學於數大端見之矣聖門之學莫要於求仁仁之為道非盡性者不能至然求仁之方可得而勉也推吾不忍人之心行吾不忍人之事肫然其各足也沛然其莫禦也達之天下無難也然而一私蔽心人我成敵在席之閒門戶之內猶有異心焉而況乎其疏也者自三代以還禮讓之化微蠶競之風熾其不以此哉公之行無他文字可徵缺然不備具而其獲施於世者至今人猶思之而鄉人之思公也尤深不徒思也而必為祠以祀是即斯民好是懿德之心之同然者而亦即聖門求仁之方也系以詩曰

猗美人兮亦吾所思學於聖人兮能自得師唯自得師兮善推所為為不盡達兮予心不欺井渠活活兮秦民之懷退用之鄉兮鄉人無飢鄉之飽兮公之貽雲旗閃閃兮公不可追食公之德兮涕泣連而以祠伸

思兮春秋薦糝鄉人此心兮廓然匪私人人自反兮公爲汝師

江蘇巡撫都察院右副都御史王先生師傳陳兆崙

公諱師字貞甫號莪園山西平陽府臨汾縣人也先世自太原遷焉傳

二十有五世而公生公父曰理躬字翼之用軍功誥封明威將軍康熙

己酉武舉會吳三桂反滇南投名兵部願以殺賊自效

朝廷壯之遣之漢中備任使賊平授江南蘇州城守營守備尋遷守遼

城晚節歸田貧至無以自給蓋其家法以忠清著聞云公年二十有四

爲康熙癸巳舉於鄉越十有七年雍正庚戌成進士凡六上公車而後

得既久困場屋積學益深於一切人事之情僞時務之利病罔不究悉

嘗謂其子紹武等曰剝民以奉君吾恥焉至於私營田宅抑又出若輩

下矣又曰律木人情而定必違人情然後可以推原律意雍正癸丑知

大名府元城縣事縣有邨地名王勝墮者田久荒而歲徵如故凡數十

頃前吏重變科則莫以告特請於大吏除之乾隆四年調知清苑時下

曲有冤獄已定讞得報待決有日而冤民所聘女聞之誓與夫同日死

道路憐之流言謂惜王青天不早至以致冤繫二命王青天者元城人

所呼而清苑仍之者也公既微聞其事廉得冤狀力請於大吏再三始

得覆鞫竟脫焉既出獄完婚夫婦詣縣堂拜謝長號以去七年遷知正

定府八年遷分巡清河道九年隨大學士高公斌吏部尚書劉公於義

句當直隸水利周歷保定河閒天津正定等處所擘畫事宜多被採用

功成

上聞而賢之十年遷直隸按察使尋遷浙江布政使九月調任江南明

年左遷天津巡道越三年復爲浙江布政使是時兩江總督黃廷桂以

士民望幸請

上南巡報可公善體

聖意絲粟不以累民若不知有此事者風聞於

上特擢江蘇巡撫時已季冬月二十有一日矣明年

聖駕至召問民間疾苦悉陳奏無隱及旋蹕扈從召對如前御筆書額

以賜曰吳會風清時以爲大臣榮遇名實克副者當首推公自往返行

營壘承

顧問恩寵莫比回署後每中夜巡廊而行圖所以報稱者或無故泣下

家人莫識其意竟於是年八月卒官年六十有二卒之日家無餘財妻

子扶櫬西歸行纏蕭索賸有殘書故劍而已禮部侍郎長洲沈公德潛

為志其墓投筆歎曰此古所謂清白吏不忝其家聲者也夫人鄧氏子  
三人長紹武國學生次直望乾隆庚午舉人次季光國學生  
贊曰吾前後為記注官七年侍

上久知

上心乎百姓為從古所未有比歲巡行方國輒先期降

旨誠大吏纖悉毋擾民間所至橋梁宮觀之屬繕葺而已不期華侈而

奉行者或自懷狐疑轉相恐動窮極心力以飾觀瞻

上以事既訖工成物不毀聊一寓目笑而頷之其實非聖意之所樂也

同年友王公栽園之在浙子方以憂居里親見其事則見市不易廛津

無改渡埋謁掩骼收卹暴露插竹樹籬包容荒穢窮黎有雇直之利富

民無加派之害但欣欣望幸安堵以俟其後

上幸西湖過南屏將取道於松嶺之東麓有司奏是閏多編戶墳塋且

犖礪未汛埽請更擇其便者

上曰何傷乎南北山頭多墓田朕聞之熟矣而是時王公已為江蘇巡

撫隨駕在杭杭人始庶公之所以獲眷者政由

聖主之愛民也為布政使尚爾使永其年於巡撫之任其利賴民更當

何如為巡撫則既有徵矣使晉其位為尚書宰相其霖雨天下又不知

何如也惜哉

通奉大夫巡撫福建等處地方提督軍務都察院右副都御史贈光祿

大夫敏惠潘公思渠神道碑沈大成

特贈光祿大夫巡撫福建副都御史河陽敏惠公葬在常州陽湖縣定

東鄉姚官巷之原今大學士同郡劉公實為文以藏諸墓初公之薨

天子眷念封疆勞績特予祭葬易名晉階列祀賢良用一品例恩封三

世粵自癸酉公葬至今乙酉十有三年

聖駕南巡必蒙恩遣大臣卽家致祭優渥之典在古希邁茲將有事墓

隧之刻公之子振瑩振煥來告曰此先大夫易簣之言也今者三拜

盛典光賁泉壤凡所以樹墓上而垂來葉者不可再緩敢申遺命以請

余辱交公久感臨沒之屬又以賢嗣之勿忍忘也乃不辭謹為序其實

而繫以銘序曰公諱思渠字絜方別號補堂常州陽湖人其先出宋武

惠公有判常州而卒官者為繼周公始占籍宜興明洪武初徙郡城曾

祖諱毓靈曾祖妣吳氏祖諱禹謨祖妣沈氏考諱滋漸天長學諸生妣

陸氏潘在郡城者累世隱不顯後以公責自祖以下皆贈如其官妣皆

贈夫人公勤學慨然有志於用世蚤歲食餼雍正癸卯舉於鄉甲辰成進士選庶吉士明年改刑部陝西司主事丁家艱歸起復補主事升貴州司員外郎充已酉順天鄉試庚戌會試同考官轉現審司郎中出守廣東之南雄考最擢海南兵備道調糧驛道就拜按察使遷浙江布政使奉

命巡撫安徽移鎮福建居五年薨於位此公之所履也公性敏決明法律練習吏治力持大體而汲汲以宣朝廷德意經國澤民爲務故所至辦治而輿望歸之其在西曹獄常至夜分餓則探懷餅淪水而食每隨尚書入奏事

先帝嘉之在南雄大水將敗城公禱神危橋俎未徹而橋崩露宿埤垸督吏卒縛筏濟溺者在瓊深入五指山安輯黎眾劾一帥一守之殘瓊人者洎秉粵臬飭綱紀端風俗捕貪蠹鉅豪猾所部肅然而理冤獄尤

多會久旱奸民數百爲羣入市強取米公時方疾起坐堂皇立捕數十人至痛杖荷校以徇守藩時甲子浙東大水壞田廬漂人畜無算公出臨錢唐江收流槽壅浮戶發運銀粟分往賑恤其秋蕭山民向何渡江

公曰民飢當哺鬪則亂民也嚴懲之自是迨麥登無一人敢譁者其撫安徽也當河決淮淝之後鳳潁泗皆災公前後請發庫廩百萬有奇拜疏親行督賑冒風渡洪澤湖舟幾覆不爲動歸奏調劑三事曰課農桑

疏溝洫稽流移其言溝洫尤切得旨俞允將次第舉行而拜移聞之命行矣閩爲嚴疆庶政繁委民情囂獷相向以鬪訟盜匪數起公廉得其主名髮櫛而草薶之晝見官屬夜

披案牘旱則步禱潦則按卹又以農隙巡行海防周閱戰艦朔望入書院與諸生講說經藝如是者歲以爲常勞積疾作而不少止也在閩四

年餘一朝京師六蒙召對中外知上倚任益專蚤晚期公之坊用矣公之所泄以水利爲農田本嘗欲大

治餘杭之南湖上虞之夏蓋湖壽州之安豐塘上江之滄渦肥苒茨沙灘諸河繪圖商功皇然爲斯民綢繆牖戶計皆以離局中輟惟修築甯

德之東湖開良田萬畝復福州之西湖慨其旁數千頃幸得竣居恆與客言嘗引以爲憾也公爲人厚重寡言笑未嘗見喜愠之色臨大事能

斷恤吏民若一體處公務若營其家愛士育材惟恐不及於世聞嗜好泊如也故奉復之夕賓哭於館吏哭於次士哭於塾民哭於塗其感人

之心如此公治諸經尤邃於易獨能探荀虞之旨嘗謂後世知有漢學者賴李鼎祚易解存耳自建節卽不攜眷之官公餘日闕注疏及徐氏經解箋釋塗乙出入一童抱畢牘自隨有得卽疏之每語學者曰學必求有用凡象緯方輿歷竿鍾律水利農政何事不當留心又曰士君子當以砥行立身爲要若詞章撰著抑末耳故自去翰林益講求經濟實學雖以成之蕪陋一鐙熒然與考訂論辨反復如老書生其虛懷好學有古人所難者公生於康熙三十四年正月十九日沒於乾隆十七年二月十七日享年五十有八配陸氏封夫人子立長振瑩見署來安知縣次振煥太學生來速文者也俱陸夫人出女一適同里錢郇側室沈氏出撫女二一適江陰曹性一適江都許世紹孫一松筠邑諸生公甘寒素幼從師讀書嘗至市易薪米或遇雨雪衣履盡溼逮後通顯洗手奉公終身非其賓客食不重肉衣或滌紉丁卯以皖撫監臨江南省試日進供給視舊減過半鄉人榮公而彌佩其清節也公之宅行具詳劉公所作墓志中余惟就素所稔知者書之銘曰

晉陵之墟厥生偉人蓄極迺宣其祉宜蕃烈烈潘公爲時名臣原本六籍蔚爲經綸清勤果恪立朝當官於皖於浙於粵於閩甘棠蔽芾謳頌

碑傳七十

其

在民公之守郡召信杜詩公之建節韓泂孔幾  
天子之毗儒者之師台輔之望方鎮之規胡奪之年未究其施瞻彼峴山今古同悲迹公所行無媿三立觀之門內克諧而翁中外嫺黨亦睦以輯不遺簪履不寒車笠推其惻但仁照幽墊掩骼埋飢萬鬼感泣緬公之存任兼股肱逮公之逝禮備哀榮

天子省方三荷寵靈龍章牲帛崇於大烝刻詩豐碑惟覈斯徵子孫

孫善繼善承

山東巡撫白公準秦墓誌銘 袁枚

皇上御極之十有七年姦民搆逆語假吏部尚書孫嘉淦諫章流傳山東巡撫準公獲一紙交臬司某窮竟其事務得主名再奏適滇省以聞臬司懼越奏之

上疑公欺致公於理公之獄詞曰未得僞造者姓名遽妄奏臣不敢也且緩之則易於鈎考罪人斯得暴章之則彼或聞風竄伏而平民轉罹於辜故隱忍不發此臣罪也擬大辟固當

上憐其愚赦之發香山監工以老病卒公由筆帖式內府主事受知世宗累官福建將軍乾隆元年改官巡道公以疾辭

上怒籍其家無長物得簿自出使迨入都公私出入纖毫如列眉

上以為廉授長蘆鹽院調兩淮公率較引課辨其贏縮不忤伏小利不

責奇羨分判節度有不便輒弛以利民九年巡撫安徽先是廬鳳地磽

陘多遊民飢卽避宅盤遊藉魚擲鼈挈其孥絕小棘野歌勾錢或請禁

之公慨然曰本之不清末胡能治命守令申畫郊圻課民耕貸給犁鋤

外延染人機工教躡絲法畜蠶樹桃麻桑柘朝夕程督未朞年民戀其

業驅之不行今鳳潁滁毫所織絹帶絲布轉鬻蘇杭數州加兵部侍郎

撫廣東調山西再調山東十六年

上南巡自德州至紅花埠凡十三營公修扞督治惟敬或勸拘虎豹備

彈弦跼躑為供奉者公大驚曰

詔以非道悅耶除方物外無所貢泰山孔林外不置供頓清蹕除道而

已公貌不踰中人而舉止嚴重暗室坐未嘗跛倚詢人目微斜遇大事

虛已集議既定屹不可動撫廣時西洋人某誘澳門民夷言服其國服

連惠潮諸州公怒毀天主堂懲治之洋人大創安南國王為其臣鄭枉

所賦國亂羣姓爭角互乞

天朝兵為援公欲奏以一旅師深入誅篡弒者為設郡置吏仍歸漢唐

版圖會與總督議不合而罷論者惜之公姓白名準泰字健齋號雪村

正黃旗人賜姓他喇氏先世為高麗人子某葬某銘曰

藥先嘗而後進之父言先擇而後告於天觀形者似乎逆而原心者覺

其賢以是歸田以是獲全又何費焉而況七十有二之高年

湖北巡撫唐公綏祖神道碑

惟唐氏世居海陵再遷揚郡唐公季如知靈山縣鼎革時輸金贖兵中

子女天祐有德大昌厥宗再傳生公公行六諱綏祖字孺懷號義村諸

昆厯翰林觀察司馬諸官而先生官尤尊舉康熙丁酉科宰封邱受知

河東總督田文鏡從縣令遷歸德守濟東道山東按察使田以苛廉聞

天下而公又精神淵著修下而馮人望見畏之以故其事者爭相搆嫉

凡四落職三對簿沒產頌繫勢洶洶疑不能再脫而公卒無恙卒起用

以官壽終知封邱時兩漁戶報盜失一袴一釜公疑之拘漁戶往勘漁

戶卽盜也柘城盜供火伴某公疑之命侍者易衣就質盜指曰是也公

大笑鞫之乃為役所教並盜非是守歸德時濰縣民羅二被殺妻張氏

訴質某仇害獄已具矣公廉得張與叔翁手絞其夫賀得釋聊城民傳

神傳七十

七

世友攜兒摘棗傷臥道旁過者詢之曰俺兒聲終氣絕人縛其兒鳴官  
獄已具矣公廉得樹主所毆呼俺兒者戀其子也兒免極刑為山東按  
察使時鄒城某殺人詭家奴自縊獄已具矣公疑券新鞠他奴死者故  
石匠非奴也毆非縊也冤始雪為廣西布政使時粵西桑江苗叛撫軍  
獲偽軍師黃某議遣官招安公不可曰彼若執官而欲易其軍師奈何  
遂進兵既而諜者言苗已張繩待矣撫軍欲遷外城民為堅壁清野計  
公不可曰苗不薄會城也若遷民而示之弱將薄城矣從之苗果平公  
雖出田公門而遇事不阿江南災田奏運穀助賑夸東省之豐也公密  
奏東省亦災穀宜留

世宗疑公負田恩沽名命白衣領職漕粟江南會雲貴總督尹公繼善

入觀奏山東災重於江南事得釋入為太常寺少卿集謙吉案王峻良齋

廣西詩注唐先為山東按察使以請賑江南許總督田雯鑄改太常寺少卿與此碑小異

今上登極出為廣西按察使尋遷布政使公在山東時劾濟南知府金

允彝後金弟榮為桂林同知搆公於撫軍伺公入覲劾公公歸官罷家

籍沒矣天子命廣東總督策楞往訊事得釋起用為浙江布政使浙撫常安匿

災公爭之常為總督喀爾吉善所劾疑公反劾公公官罷家籍沒矣

天子命大學士訥親總河高斌往訊事得釋起用為江西巡撫調湖北

湖北布政使嚴瑞龍老而眊公不禮焉嚴搆公於總督永興劾公公官

罷家又籍沒矣天子命河南巡撫鄂容安往訊事得釋起用為西安布政使未二年薨

年七十嗚呼非公清節無虧百務有條必不能行險徼如康達至於再

至於三循環終身而無咎非生遇聖明亦不能太陽麗空沈冥必雪然公能知人用人能得人死力在朝

卿貳在外岳牧州郡其賢者有意氣者靡不通編紵序愍勸寡人子苟

有才必折節下之噓枯吹生悱惻膺擊未幾所目色提挈輩雲蒸豹變

百不失一雖曰者筮人皆自愧不及而公亦頗以能相士為己任枚弱

冠試鴻詞下第落魄長安天大風雨雪衣練單衣調公於順治門里第

公與語奇之次日屬今學士朱公佩蓮來欲妻以女枚以聘定辭而公

憐之益甚每過必賜食且撫孟曰毋寒乎每暑必賜浴且以指攪盆曰

湯未溫宜少待是時公為太常卿朱公亦未第事隔二十三年至今枚

為人言猶泣下公葬邗江某原夫人吳氏祔焉子三人長辰衡官同知

次倚衡官南安知府再次秉衡蔭生銘曰

誤海惟深疑山必險鬪者嘖嘖使公屯塞公曰聽焉禮義不愆福自天  
禍禍為道遣人望巨航忽沈忽漾誰知舟子其心蕩蕩人驚寶鏡忽涅  
忽磨惟其如斯光乃益多坐如舒雁行必罔豚言無枝葉腹有精神以  
人事

君可謂大臣而況其才揮忽紛綸謂余不信視此銘文

方伯唐君暨夫人吳氏合葬墓誌銘

錢陳羣

行五百里叩門請曰先生執友四十年來零落殆盡閣下知先人深其  
為誌之余不敢辭曰

君諱綬祖字孺懷號莪村先世自海陵徙居江都曰虞佐由歲進士知  
開化縣高祖考也曰明獻鴻臚寺丞曾祖考也曰之日名諸生祖考也  
曰之天以貢生知廣東靈山縣事本生祖考也曰詩績學篤行以候銓  
司訓終為鄉里推重考也司訓公子六人皆有文名掇巍科都顯職君  
行第六幼敏悟過人司訓公鍾愛尤甚隨侍館塾學業日進先後執親  
喪哀毀骨立時兩棺在室家人不戒於火君從煙燄中躍出抱棺跪哭

神傳七十

九

火為之熄人謂至孝所感丁酉登賢書試南宮不利就選授河南封邱  
令邑距省近民多挂名上游胥役侵牟鄉愚廉致於法會河決中牟邑  
大堤卑薄君酌議每田百畝出夫一計工受直劣生某猖率抗阻脅眾  
罷市以制大吏得其狀置首惡於法數調劇邑皆有治行除歸德府在  
任三載每遇疑獄必得其情眾咸稱為神擢濟東監司調鹽運使尋授  
山東臬司定鹽價恤竈戶革供應清理積欠按年區別入奏遂  
恩旨寬免捕巨盜十五人盡置於法境內肅清庚戌秋濟兗東曹四府  
被水災重之處饑民聚輒數十人見瓶罍有粟者攫之有司律以強劫  
凡百餘案君極陳情形於撫軍岳公得輕減全活者數千人癸丑補太  
常少卿隨

駕恭謁

山陵贊襄大典禮成晉階一級戊午六月補廣西臬司在任二載民無  
冤獄時義甯桑江逆苗為患境內戒嚴巡撫召寮屬密議欲遷城外居  
民為堅壁清野計居民難之君後至即正色言大兵即日壓境苗雖猖  
獗焉敢薄我城下稍涉張皇示之弱且先自擾眾深然之民得安枕苗  
果敗散設計勦除凡所建議悉中機宜有

旨褒嘉加軍功階一級辛酉擢廣西藩司陞河南歲久壅塞奏請動帑  
金疏濬採礦銅商工本不敷奏請添價又奏請添州縣養廉又酌計微  
員回籍路費時君方入覲署撫以風聞數事裁劾歲餘得白丙寅夏補  
山東臬司尋擢浙江藩司破劫經

欽差大臣審白旋補山東藩司力請於中丞阿公運奉天米接濟登萊  
青三府民無乏食戊辰十月補授江西巡撫明年調湖北巡撫兼署總  
督印務所屬僚佐見君察覈嚴明交相傾軋得

旨昭雪卽蒙

召還京師塗次拜命晉臬凡二載清理滯獄千有餘案平反十數事癸  
酉十月補授西安藩司會城數萬家向資龍首通濟二渠以資汲引自  
故道久湮民苦掘井味鹹蒞任後卽訪輿情開濬故道居民便之又奏  
請修興安堤工自此得免黃洋諸河漲溢大兵勦撫準夷軍分兩路關  
中爲軍需總滙凡安臺備餉君悉心擘畫夜分不寐口不言勞未幾得  
疾不起君性極孝友操守清白能文章輒爲政事所掩與人交不設城  
府而嫉惡稍嚴易羅毀謗屢蒙  
聖心洞燭矜全得以功名終君生於康熙二十五年十二月十五日終

碑傳七十

年譜

於乾隆十九年九月初三日享年六十有九子三人辰衡國學生候選  
州同知倚衡舉人江西南安府知府秉衡蔭生候選八品小京官先卒  
配吳氏初封淑人後贈夫人歛望族高澹司訓居揆女孫眞州教授鼎  
元女年十八歸於君事舅姑以孝聞當大事盡哀時家計中落夫人性  
甘淡薄勸君折節讀書君任封邱時邑被水夫人抵任所過村墟見多  
漂沒者至署卽語君曰令有家室民無屋廬奈何明日卽請緩徵出陳  
穀以賑君在豫以幹濟稱隣郡公事大吏輒倚任焉兼蒙至繫纍而內  
政悉委夫人莫不井井君疎於財所至之處不名一錢戚友嘗至多  
缺缺失望夫人脫簪珥以濟曰甯使子女少一衣節一食毋使旅人失  
所也訓子女甚嚴和於妯娌隨君幾十年致問餽遺往來不絕族黨中  
貧乏者預列其姓氏置針箱中奉祿所入量爲分寄歲以爲常夫人生  
於康熙庚午八月卒於雍正癸丑十一月年四十四歲某年月日其子  
合葬於某都某鄉銘曰

爲政者與其不諒於斯民也甯不諒於同官不諒於同官而民實諒之  
則自有公道者存  
聖明鑒之與人誦之生也何榮政善民安久乃勿替沒也宜銘刊之水

流湯湯兮唐君爲政澤孔長兮臨其穴若斧堂兮配温淑而偕藏兮詒子孫其熾昌兮

武英殿大學士忠勤伯太保黃公廷桂神道碑袁枚

公姓黃名廷桂字丹崖正黃旗人年十九以材官引強從

聖祖出塞獵控飛猱落雙雕者二十餘年

世宗登極授宣化總兵四川提督甫至官即奏設局辦治鎗礮鉛丸時

西土無事而公豫籌同仕者笑之未幾西藏阿爾布托反公往敵于敕

甲軍容山立賊大驚散走事聞

世宗知公可大用命討雷波土司楊明義等擒其魁餘黨悉平亡何滇

苗阿驢反圍參將謝某於赤衣臺七日公率兵入大小涼山攻殺降下

之乃還秋滇省烏蠻又反公軍川滇接壤處四路堵遏卒縛其首

世宗大悅命總督四川川省地丁每兩耗二錢民苦之公請每兩減一

奏上

報可即今皇上即位之元年也俄而總督缺裁署天津總兵遷古北口提督再

遷甘肅巡撫其時邊省倉空地屢震新渠寶豐幾不毛矣公符縣買籽

種耕牛招民授田浚昌澗渠灌之行二年兩邑富如初十三年春署陝

甘總督冬調江南十六年仍調陝甘十八年調四川二十年加太子太

保補武英殿大學士仍督陝甘當是時

國家禽達瓦齊方開闢伊犁威震萬國而投誠之阿睦爾撒納叛入哈

薩克回虜竊發襄勤伯鄂容安兵部尚書班第死之

天子震怒命大將軍永常兆惠等相繼出兵公以爲先安內而後攘外

外夷跳梁國無大損若因軍需騷致內地有事則金甌玷矣乃命運

糧車十家抽一厚其值許帶什物質鬻民踴躍爭先慮牛運妨農奏買

驟分布口內外民耕如常又以爲凡事豫則立糧待盡而後運則士飢

馬待缺而後補則戰刃乃命安西至哈密沿路開池畜豆馬到行且喂

以故馳千餘里愈壯駐防臺站月需米數千曰吾前撫爾時曾買穀三

百萬石分貯河東西正爲此耳識者方知公遠謀董安于不是過也逆

酋已瑪等叛截臺信不通沙克都爾慢吉一支就賑蘭州逼近肘腋

命下如公言布政使蔣炳共事肅州公檄令回蘭州督賑奏出四日而

命下如公言公又擬奏大將軍兆惠以孤軍守阿克蘇無益宜早令回

軍相機再進奏未出而

命下如公言公每有謀算動符

聖意雖隔萬里如在目前以故眷寵日隆加太保封忠勤伯世襲雲騎

尉賜紅寶石頂四圍龍補服公素忠略血既理軍務中夜輒起或張目

達旦致積勞成病劇嚙語猶以馬馱糧運進劔擒賊諸務喃喃不絕

官吏文武繞榻環聽為之涕泣漏下一鼓而薨年六十九

天子震悼賞賚無算祔還車駕親奠謚文襄崇祀賢良公陰重強毅常

稱事英主有法若先有市惠好名黨援諂病為

上所知便行一好事不得故生平寡笑語所在芒角專以招怨謗忤權

貴為務孤行一意奉

主而已及事關重大旁人平素舒緩養名者束手不敢動而公輒以一

疏得之或直薦其戚里或保留人於臨斷決時或請豁軍需數百萬奏

上即行海內駭服清奇長身鵠立額上痛起如佛頂懸珠者然見屬

吏無溫顏質確其過高坐不冠斜睨而涕唾司道以下寒毛惕服甚至

股弁然喜人強項愈駭辨愈喜理屈則從之或以此受目色督西川時

外夷準噶爾人關熬茶有誤奏人寇者

天子命公發兵公封還

詔書奏不可已而果以誤聞調肅州馬駐防兵倚將軍勢或不時給公

奏之

上命滿洲三品以下官許公杖決由是令無不行居恆無他嗜好放衙

畢手通鑑一編而已子一人某福建糧道先公卒以某年某月葬公於

某銘曰

吾未見剛次莫如猛惟我文襄秉此以逞起宣化終涼甘利西北不利

東南莫獮解付淮楷貉子過老顏臥天縱其鋒為李橫衝孤捧紅日以

行於空如繫虎鬚牽不得動嗚呼竟以始終世之過人不履影而尤象

奪常者其視此華表之穹隆

又武英殿大學士總督四川軍務文襄黃公傳 四川通志

黃廷桂字丹崖漢軍鑲紅旗人世襲雲騎尉雍正二年任四川提督奏

營伍地方五事一軍械宜速製川省三面環夷自平西藏青海後軍械

多缺且敝應嚴實修補一馬廠宜別建川馬本不高大又日繫槽多羸

瘠今訪豐樂場後有荒山六十里可資牧放其附郭舊廠地應募民墾

種一上卒驕奢宜禁川兵自年羹堯濫賞放縱至今習氣未除應飭服

用絹布毋僭官制一番蠻防範宜密每歲十月閒生熟番蠻至內地備  
工名曰下壩次年夏初始歸近因禁攜婦女轉得隻身合夥成羣肆惡  
應飭攜家屬數名口方許至內地其有形跡可疑者禁止之一汛守之  
地宜均成都屬德陽仁壽二縣南北距數百里歸一把總駐防永甯協  
駐貴州永甯縣城中閭隔河河東隸黔河西隸川兵民岐視非邊隘所  
宜應以營汛酌改奉

命與總督岳鍾琪會商行之時建昌番蠻新隸版籍時有竊掠之事廷  
桂擒而治之番蠻畏服省城設防火堆棚三十處每營設救火兵二十  
名六年雲南烏蒙苗婦陸氏不法傷雲南官兵雷波土司楊明義土目  
卑租業姑等誘附近之結覺酋長雙尺阿路酋長魯佩阿不羅酋長密  
過阿都酋長阿必及阿照平底等苗聚眾劫糧吞都酋長德昌確里密  
酋長利耶亦同時滋擾陸氏被擒後餘黨不靖廷桂請勦明義率兵進  
攻俘馘萬計逆酋以次擒斬各夷底定八年監修四川通志視舊志爲  
較詳焉九年三月大軍勦噶爾丹策凌

世宗憲皇帝以川陝地廣增設四川總督以廷桂補授兼管提督事乾  
隆十八年再任四川總督誅重慶逆民譚二陳琨等十四人蜀惟成都

神傳七十

三

府有都江大堰資灌溉其餘山田悉苦旱廷桂奏飭通省勸修塘堰引  
灌山田於是新都蘆山等十州縣及青神縣之蓮花壩樂山縣之平江  
鄉三臺縣之南明鎮悉成腴壤二十年請增鼓鑄爲通省修城之用晉  
武英殿大學士兼管總督事是年打箭爐外孔撒麻書兩土司構釁兩  
金川及綽斯甲布助麻書革布什咱及德爾格忒孔撒互相攻殺廷  
桂偕提督岳鍾琪撫馭解散全活無算廷桂前後在川二十年體國奉  
公不遺餘力興文學重農桑修橋梁除兇暴酌改營制事多可紀其籌  
畫行軍無不精妥

聖明每嘉予之尋調陝甘總督晉封三等忠勤伯卒諡文襄圖形紫光

閣入祀賢良祠

予告資政大夫前任廣西巡撫工部尚書衛公哲治別傳陳兆崙

公姓衛氏諱哲治字我愚號鑑泉河南懷慶府濟源縣人由諸生選拔  
起家縣令性悃愾能急民疾苦爲興久遠利而於籌荒政也尤詳累官  
至監司開府初終如一雍正八年廷試太學貢生列優等發江南試用  
初署贛榆縣未甚知名十年調知鹽城尋實授時值蝗災著有災賑條  
略累數千百言文繁不載又設六條以循里戶一曰優禮德望二曰

饋餉高年三曰旌獎孝義四曰經理樊獨五曰讖警游惰六曰約束過  
犯蓋卽近世保甲法而寓以古意最爲切實邑北門外二里有官河淮  
上游七縣之水入海每患夏旱水不得留內水微弱則海潮越口而上  
致河鹹苦不可飲甚乃漫溢民田農事以廢其秋水盛時則又患河寬  
流緩入海不速公爲建閘立斗門五磯心四又建越閘斗門三磯心二  
蓄洩有備化斥鹵爲膏腴又歲有涸出灘地給無業人領種毋許豪佔  
其已沈沒而糧未除者悉請豁免貧戶漸饒沿灘築土墩九十餘座以  
防大潮猝至漁者得就墩避溺民號之曰救命墩由是循聲大著乾隆  
二年會州饑設法賑救全活二十萬人流民自山東來就食者更不在  
此數

上聞嘉其治行擢知淮安府河決陳家堡漂溺男女田廬無算哭聲聞  
數百里公亟遣小舟數百載餅餌分給流移躬涉風濤所在存問民慶  
更生勸使至巡閱所部公隨行百姓各手炷香前迎填溢街巷使者以  
爲迎已也辭之令退眾應聲曰衛公活我故來致謝微衛公我曹魚鼈  
久矣使者爲停輿歎息久之事在乾隆十年是年山東歉甚鄰境流民

和傳七十

至者不可數計公輒自捐貲益以勸募樹草屋百十間銜接二百餘里  
清江浦屬之漁溝以北號曰棲流所每所給糜粥儲米薪衣藥之屬賤  
其直以市流移如歸制府尹公上其事

上益以爲賢明年遷盧鳳嶺巡道尋調任登萊公於山東民有舊恩所  
至繞輿褰帷諦哢輒喜曰果衛公也尋遷布政使再擢巡撫安徽十六  
年迎

駕行在賞賜甚渥御書化洽皖江四大字榜以示寵榮其年二月以母  
憂去位公任宦二十年纔兩任山東實未滿歲前後多在江南江南故  
澤國苦潦多偏災而荒政之弊百出能吏難之又水患迭興類由平時  
不預籌蓄洩加以大部持例嚴苦一不中程輒責賠償以故守令遂巡  
養患噤口不敢倡聲迨至大耗帑金萬萬猶不能救而公累任以辦賑  
顯其孜孜興建歷有實蹟最後在安徽用沈石聚沙之法以移無爲州  
急溜而防未然至今潁江郡縣多遵用之蓋惟民事是急不恤已私卒  
亦未嘗因是坐累且階以進秩至大官則向者諸守令所藉口殆未必  
然也十八年六月服滿入覲得  
旨留京署戶兵二部侍郎事是年秋江南安徽甯池滁和鳳潁泗九郡

復被水而徐州張家口決河入洪澤湖下游鳳陽懷等處患且亟大吏以聞時

上在熱河復命公馳驛出撫至則部署精審南人復賴以安明年十月調撫廣西二十年三月以父年踰七十請養不許八月以疾告又不許尋內擢工部尚書在任候代明年正月固請得回籍調治卒於家年五十有五子三曰時勤時敏時保孫曰遐福

舊史氏曰衛公在兩部時予為京尹每朝參遇公端門輒一握手蓋篤實長者殊與意所擬才能大吏不類嗟乎是古所謂惻愍者歟凡居官羣吏以才大吏以器量惜乎天不假之年俾至台鼎為吾

君持軍國大計而但以吏績聞未竟其用公又喜為詩秘不肯出余獲見其一篇於年譜中颯颯乎元次山之遺也次山當藩鎮擅命崎嶇容

管閒自謂與世聲牙而公遭遇聖明擢以不次名榮朝列澤在生民其福命豈不遠勝古人哉吾於公又何憾焉

碑傳七十

十五

碑傳集卷七十一目錄

乾隆朝督撫上之下

河南巡撫兼提督贈太子太保兵部尚書胡公寶瑑墓誌銘

陳浩

又胡寶瑑傳

王昶

又太子少傅河南巡撫胡公墓誌銘

袁枚

吳中丞士功傳

董邢達

又巡撫福建兵部右侍郎都察院右副都御史吳公墓誌銘

鄭虎文

湖北巡撫盧先生焯暨德配周夫人副室崔宜人合葬墓誌銘

陳宏謀

又資政大夫湖北巡撫盧公神道碑

呂星垣

又原任浙江巡撫盧公神道碑

袁枚

巡撫山東李公清時墓誌銘

楊錫綬

又李清時傳

王元祿 案李公互見河臣

碑傳七十一目



Vertical columns of text on the left side of the page, including page numbers and faint titles, mostly illegible due to fading and bleed-through.

乾隆朝督撫上之下

河南巡撫兼提督贈太子太保兵部尚書胡公寶瑋墓志銘陳浩

乾隆二十八年正月十八日太子少傅兵部侍郎兼都察院右副都御史巡撫河南兼提督軍務胡公卒於官先是

天子聞公疾屢賜慰問頒發藥食品兩遣侍衛偕太醫來視及遺疏上

上深軫惜特加贈太子太保兵部尚書祭葬如例并命所請入籍青浦

恩至渥也喪將歸承重孫傳書幼道遠未至孤子鼎蓉等持公之友王

君為公所編年譜泣而請銘余與公同歲舉於鄉交四十年今來汴亦

且五載於公平生最悉義無可辭公諱寶璋字泰舒號節齋晚號瓶菴

姓胡氏徽州府歙縣人按年譜胡氏歙大姓自後唐同光後代有名儒

人物科第之盛甲於江左曾祖考諱守倫窮經早歿著有易旨探微蔭

堂詩鈔傳世祖考諱希烈幼孤蓄德以六行著於鄉考諱廷對以名諸

生貢太學自溧陽訓導補甯國遷婁縣終常州府學教授學與政皆有

聲公為巡撫兼提督後皆晉贈如公官曾祖妣汪氏祖妣汪氏妣洪氏

皆一品夫人同母兄弟八人公行在第七生有神兆資稟異人儀古案

見異物所幼承家學能綜貫羣籍其才閎肆而精博於制藝詩古文詞

篆隸行草諸藝事無所不工而尤究心當世之務通達治體蓋為諸生

時已負公輔之器矣年三十舉雍正元年癸卯

恩科鄉試因公事者幾二十年至乾隆二年始考授內閣中書太保西  
林鄂公語人曰省中隱理一老名士大能任事亟令入軍機裏行直舍  
無書而有問則應據經史百家及直省地形土俗職官兵制因革利病  
言之鑿鑿太保公深倚重之六年秋大學士松莊查公今兵部尚書果  
毅公阿公奉

命度地奉天三省奏公同行隨

駕校獵畢即由木蘭徧歷諸部至盛京過吉林渡松花江轉而至黑龍

江再轉而至甯古塔又徧閱諸部至春而還橫穿側出其行二萬二千

餘里於冰霜風雪中歷負絕無人之境巖巒阻深榛莽蒙密熊虎之跡  
交橫於道而覽其山川形勝辨其土宜一過即了然於心口公自以為  
極域外之大觀為生平第一盛事而才勇之過人益於斯而見矣會有  
詔慎舉言官必如陽城馬周者查公即疏公名以上

御試擢第一記名既以資遷內閣侍讀旋授福建道監察御史轉戶科給事中再遷順天府府丞王師剿金川

命今大學士忠勇公傅公往經略敕公從行日馳常三百餘里遇險則徒步躡危崖斷棧從者多不相及或三晝夜一食傅公恪遵

廟算剋期告捷贊畫機宜公之勞績最著凱旋之日有問之者則曰吾書生不知兵惟謹俱書記而已

上知公才可大用卽軍中拜京兆尹仍敘功晉一級再晉三級前後賜

賚甚厚疊遷宗人府府丞副都御史兵部右侍郎兼府尹如故自是遂

出領封疆之任自山西而湖南而江西而河南再撫江西復至河南凡

四省六任山西河南皆兼提督河南兼節制駐防滿營其在山西撫飢

民理冤獄抉貪吏除奸豪戎行以整關隘隄防悉修力行教養之政凡

一歲其在湖南民貧而狃於俗吏治習於飢馘苗彘常困兵役之擾公

爲整飭化導簿領山積視事常至夜分不息凡五月其在江西有重案

關土風者乃刊布

聖朝訓典而親訓誡之設編船嚴保甲以息鄱陽之盜奏罷廣信開山

之議重封禁以杜民之後患江浙歲飢江西亦僅中熟以市僧居奇乃

爲宣禁以通商販鄰省賴以急濟凡兩年有奇公所至必有惠政故居

則民樂之去則民思之有攀留追送數十百里外不忍去者而豫人之

德公爲尤至初公爲副都御史隨

駕南巡有偃師奸民傳毓俊以私憾控某謀逆逮繫累百餘人

命公往鞫七日而至集案牘夜視之詰朝官僚入見曰吾已得其實矣  
一訊而詞伏止誅毓俊一人餘皆省釋中州人至今以爲神明公撫江  
西時歸德歲屢歉二十二年六月水患尤甚連及開陳汝許大河以北  
之彰衛懷各郡同時被澇者六十餘州縣  
天子軫念災黎大發帑金數百萬撥米數十萬石知非公莫能辦遂命  
移撫河南至則率勵大小屬吏察胥吏之侵漁壅遏爲奸弊者計口而  
賑不遺一人更爲葺廬舍招流亡借牛種冬則隨地留養糜之襦之所  
全活以數千萬計復奉  
命開濬水道爲永久計時工賑兼舉民皆飽食趨事凡開治四府二十  
八州縣之爲水者六十有七計二千五百餘里皆因自然之勢層注而  
下分入於江南之濉淝諸水匯於淮以歸洪澤乃繪其源流記修濬之  
深廣爲圖說以獻請

御製碑文勸永城之通衢

帝深嘉之遂晉加宮傳自是連歲大稔二十五年十二月復移江西至  
次年七月而河決於楊橋沁洛丹衛同時並漲被災者五十餘州縣因  
復

召公還汴至則大學士劉公協辦大學士兆公及戶部侍郎裴公南河  
總督高公咸在有成議惟決口數百丈未合將開引河築壩束水需粟  
薪之屬數千百萬日役數萬人公以次徵發受備與直者皆得如  
詔旨不日而河歸故道而黃沁交匯之工至是亦底績矣方河與諸水

初漲時其災更甚於前歲然而民心帖然境外不見有一流亡者則以  
比歲有秋非若向時之積歉且小民咸知

上恩意諸倉既開內帑數百萬絡繹而至皆安以待賑而公於救荒之  
政前效可徵必不使有一夫之失所也至於水退而民即得耕次年夏  
秋皆復大熟者蓋天心之仁愛下民而賈魯惠濟諸水久已通流河得

直趨南下而無阻遏及水去沙停復乘其浮淤而治之而田閒之水又  
各有所洩是以水落而田出民得借種以播宿麥也此非公前此經理  
之明效乎是以公之所至必為豐年民樂其業而公亦自忘其勞每行

碑傳七十一

部必躬歷田閒問民疾苦或境內有事輒夜半即行途閒買餅餌而食  
所過傳舍不知有供億之煩也自奉本儉而又習於勞雖貴顯不改儒  
素猶憶往時同奉祭告之

命並轡出都過涿州而公騎已遠比至會稽公旋已數日矣聞公請假  
便道還松江太守聞之曰吾官此數年不知郡中有此縉紳訪之已步  
至里門所居破屋八椽門不能容車猶然蓬華之士也歎息而去余以

丁丑歲蒙

恩賜休公招至大梁書院與諸生講學每公暇輒來必暢談諸生文  
藝佳者引而教之妮媿不倦聞者莫不興起蓋愛民好士出於至誠其  
性然也嗟乎公以老書生一無絲藉晚受

聖主特達之知內躋九卿外長文武二十餘年之中勳施爛焉揆之素  
心亦可以無憾所憾者

朝廷失一公忠任事之賢臣使草野不得蒙其福此黎庶之所以悲思  
而士友追念生平不能不撫遺編而隕涕也雖然公完人也公可以不  
朽矣余又奚悲焉公生於康熙三十三年十二月初五日巳時距卒年

七十其著述甚富惟四書文稿已刻其詩古文凡若干卷藏於家配俞

氏誥封一品夫人子四長鼎梅先公歿次鼎蓉貢生次鼎衡次鼎崧皆幼女四人孫一傳書將以某年月日葬公於某原銘曰

白岳之英閒世挺生乘時利見為名公卿歟歷中外才兼文武畢公益侯方叔召虎晉楚西江亦越大梁自公至止豐年穰穰豐年穰穰吉人藹藹咸曰我公令德壽豈躋堂而祝時維季冬春燈初罷民不夜春遺表上陳

帝深軫惜贈官表墓恩綸絡繹存順沒甯生榮死哀古三不朽公其備哉三御新阡釣游之地既固且安神其永庇

又胡寶琮傳王昶

寶琮初名金蘭字泰舒號飴齋祖希烈以貢生歷官常州府教授始自

歛遷於婁縣寶琮生有神兆資稟異人雍正元年舉於鄉乾隆二年試

授內閣中書大學士鄂爾泰選直軍機處六年秋大學士查郎阿兵部

侍郎阿里哀奉

命相度奉天三省地形請以同行時道隨

駕校獵卽由木蘭遍歷諸部至盛京過吉林渡松花江轉至黑龍江再

轉至甯古塔又遍閱諸邊及春而歸其行二萬二千餘里橫穿側出於

冰霜風雪中覽其形勝辨其土宜自以為極域外之大觀也會舉御史

查郎阿以名上

御試第一時已遷內閣侍讀旋授福建道監察御史轉戶科給事中再

遷順天府丞十二年王師勦金川

命大學士傅恆經略略以從行日馳三百餘里恪遵

廟算剋期告捷經略晉封忠勇公寶琮贊書居多擢順天府府尹前後

賜賚甚厚屢遷宗人府府丞副都御史十六年隨

駕南巡有偃師奸民傅毓俊以私憾控張某謀逆逮係百餘人

命公往鞠乘傳七日而至集案牘視之比夜分曰吾已得其實矣一訊

而伏止誅毓俊一人餘皆省釋中州人以為神明尋遷兵部右侍郎兼

府尹如故遂授山西巡撫旋調湖南自湖南而江西而河南再撫江西

復至河南凡四省六任焉在山西撫饑民理冤獄扶貧吏除奸豪整關

隘力行教養之政在湖南民貧俗敝苗搖兵役之擾悉整飭之其在江

西設編船嚴保甲以息鄱陽之盜奏罷廣信開山之議重封禁山以杜

後患江淞歲飢江西亦中熟因市僧居奇適為宣禁以通商販鄰省賴

馬及二十二年撫河南方患水決陳汝許與河北之彰衛懷同時被澇

者六十餘州縣

天子軫念災黎發帑金數百萬撥米數百萬石以賑之寶瓌率屬吏計口而賑不遺一人葺廬舍招流亡借牛種至冬隨地留養所全活以數千萬計復奉

命開濬水道工賑兼舉民飽食趨事所開幹支各河凡六十有七道計二千五百餘里皆因自然之勢層注而下分入於江南之滙漑諸水匯於淮以歸洪澤湖迺會其源流記其深廣爲圖說以獻請

御製碑文以垂永久

上深嘉之加太子少傅自是連歲大稔二十五年十二月復移江西次年七月河決楊橋沁洛丹衛同時並漲被水者五十餘州縣

命大學士劉統勳協辦大學士戶部尚書兆惠及戶部侍郎裘曰修南河總督高斌共治之復

召寶瓌撫河南時決口數百丈未合將開引河築壩束水需藁薪之屬數千百萬日役數萬人以次徵發受傭者皆與直民不知擾被災之地開卹周至無一流亡者水落田出民借種以播菽麥次年秋皆復大熟寶瓌在河南最久習知其地利民俗盡心經畫故民樂而安之二十八

碑傳七十一

五

年正月卒於官事間

贈太子太保兵部尚書諡恪靖賜祭葬如例且允所請入籍青浦時以爲榮寶瓌兄弟八人長嘉會次嘉浩皆庠生三才標監生四寶璣薦舉博學鴻詞康熙二十六年舉人國子監學正五嘉謨六寶光三十二年舉人鳳臺教諭八寶琳由保舉至刑部郎中累官山東鹽道家門鼎盛不改儒素嘗被

命祭告請假便道還松江太守聞之曰吾官此數年不聞郡中有此緇紳訪之則已徒步至里門所居破屋八椽門不能容車猶然蓬華也歎息而去

又太子少傅河南巡撫胡公墓誌銘

袁枚

公諱寶瓌字泰舒世居徽州以理學世其家祀文廟者七人父虞雲授婁縣因家焉公生十五歲賦牡丹句驚其坐人年三十舉于鄉有同試禮部者託公齋文書至京奴愆于期公憮然曰以我故致渠不與試吾義不獨試也袖筆出考授中書隨大學士查郎阿度地塞外登醫無閭至黑龍江畢臘再至登爾者庫入烏蘇凡半年行二萬二千里艾殺棘刺蓬蒿觸抵豺虎茹乾餼啖雪盡得其險要扼塞乃還時乾隆六年

也查公以陽城馬周薦

御試第一擢福建道監察御史遷順天府丞督學政十三年從經略傅公征大金川時蜀中軍書旁午瘴癘毒淫大赦納囚等山馬契需不度公屝屨徒步繩索相引嬰跣勃率不納勺飲或三晝夜一食乃得至屯營處賊方張礮樓天接矢石夾兩耳下公簪筆畫策削牘作奏動合機宜卒佐經略降其酋凱旋

天子親書金杯賜公海內以爲榮以軍功遷順天府尹加都察院左都御史巡撫湖南山西再調江西鄱陽湖多盜公立編船法責文武督治盜遂息其年江浙米翔貴公禁遏糴者西粟方船而下南民賴焉調撫河南陳汝等州大水

天子召公與侍郎裘曰修分疏水利開河六十七道計二千五百里繪溝支榦派圖記修濬丈尺若干勒諸石功成加太子少傅調江西未抵任而河南又災

天子亟追公還會同大學士劉統勳塞楊橋口築堤公慮水去而沙停乘買魯惠濟河沖決處刷宣浮淤俾無梗滯俄而黃流平田皆涸出卽給麥種設棚廬教之耕耨果汗邪滿車民蘇彫劫十六年扈

碑傳七

六

蹕南巡河南姦民誣人謀逆詞連百人公馳驛夜鞫片言燭奸誅客詐者民皆懽呼性謙謹鞠躬躬躬然雖監門廝養尤益敬與鈞然權要鴟張不爲動爲詩文立就不加點竄尤善騎能日行三四百里某太史以善騎夸公約至朝各驟馬去某狂奔盡氣入內閣不見公方竊喜自負而公自內出已批敕數行矣奉

命祭南嶽還松江上冢知府蔡長漢驚曰吾守此數年不知有八座某也來謁則蓬華數椽乃歎息去公感

上恩厚年已七十猶刺閨判極翦篲之勤眸子清碧能白日視鬼神臨卒諸屬吏來受遺言公手指南汝道陳公曰避河神陳爲悚然歸竟病三日先是教授公官宣城居正學書院院有王文成公祠生公之夕夢文成手一金軸曰五十年後煩送吾鄉乾隆十六年

天子駐會稽命公齎金軸御祭王文成讀祝堂下方知前夢之徵也子某葬某銘曰

雖居句如折矩雖飲甘如茹若能談笑折樽俎能遺叱厯險阻行而拱翼坐而俯九命而車上不舞彼何人君子以爲古

謹案原編有開豫省田溝路溝疏一首已見經世文編今不錄

吳中丞士功傳 董邦達

公姓吳氏諱士功字惟亮號凌雲一號湛山先世有仕元以武功顯者曰文盛明洪武初避兵以白馬駝譜由江西遷河南商城金岡臺其由商城遷固始之張莊則自八世祖巍始代以耕讀孝友世其家大父宏緒邑廩生父用烈歲貢生司訓淇縣皆常出其家財活難人人謂吳氏有陰德其後必大公天資絕人未冠以博瞻稱為文恥詭遇困場屋者二十年雍正壬子癸丑聯捷選庶吉士乾隆丙辰散館改吏部累遷至郎中遇事能立堂上與大宰爭是非己未遷湖廣道御史尋掌京畿道數上章言事有直聲適閩督奏土豪陳池玉開墾卒塘事詞連公旋得白或謂公宜謁謝白公誣者公曰固彼職也何謝為壬戌出為山東濟東道未幾以後母喪去官丙寅起為直隸大名道明年移山東兗沂曹道賑屬郡饑是年

上幸山左奏對稱旨轉督糧道再遷鹽運司使五年釐政舉頻攝泊藩臬事大吏賢之再以循卓薦甲戌遷西安按察司使丙子移湖北秦民愚輕犯法楚民黠善舞法公兩治之獄多平尋攝巡撫事時廣濟縣民苦私徵久矣公立縛羣吏至悉置之法諸官吏聞風皆斂手不敢為非

碑傳七十一

丁丑秋遷西安布政司使其年冬移直隸明年三月再遷西安尋

命巡撫福建猶留攝陝撫事七月莅閩公所至以民食為根本尤重揀荒初在山東歲旱蝗大吏怒捕蝗令欲悉劾罷去公爭之則請親往疾馳烈日中日數百里至則蝗立盡不為災西安延榆鄜三郡歲不登路險賑粟不時達民旦夕且死公更運法飛輓立至籍其積年逋懸數上聞盡予除免及踐任外則臺灣以颶風告壞民田廬殺入畜內數郡早種不入土民大饑公不暇他事立奏請發粟緩租貸種食各事宜行之民用完聚無流亡南洲者閩之盜數也在江中阻險有劉良福者踞為巢與副賊游艷艷等十八人放賊四劫刺人眼灰漆人面沈哨船弁兵溺焉又有巨盜林成功亦燎黨數十人常是時閩苦盜盜且及江浙公至不數月次第就縛誅其魁餘皆待以不死聞盜平又奏寬臺灣私渡之禁便閩粵人之在臺著業者得迎父母妻子以自完其家臺民德公至今語及前事猶感激泣下也公之為政剛而不殘仁而不弛為外吏二十年持是道不變在閩四載破

上眷益厚辛巳以承問提督馬龍圖侵餉事坐失出命往北路軍營効力明年

恩旨予歸又五年乙酉九月丙申卒春秋六十有七初公還里二子均官京師請歸省公不許

上每見公二子必問公年齒衰壯人以告公謂公將復用公曰

聖恩高厚苟復出必以死報既而自循其鬢髮則又歎曰吾已不堪復為世用矣卒之夕呼其家人曰語兩兒好為之言訖而逝無一語及家事嗚呼可以知公之心矣

又巡撫福建兵部右侍郎都察院右副都御史吳公墓誌銘鄭虎文乾隆三十年歲次乙酉九月丙申

誥授中大夫原任巡撫福建兵部右侍郎都察院右副都御史吳公卒於里計於朝朝之士素與公遊者知公受知

天子深蓄德衷施行起大用而卒不及俟以竟所學相與歎息泣下走唁其孤檢討玉綸於邸舍玉綸則纍然喪服頓首涕泣乞銘於其師編

修鄭虎文曰不孝即日徒步出國門忍須臾死將謀葬先人於吉兆維先生文直而不華敢請銘文曰公行應銘法勿敢辭明年拜使者於庭

以公狀來按狀公姓吳氏諱士功字惟亮號凌雲一號湛山先世江西人其仕於元者曰文盛以武功顯八世祖魏始遷河南固始之張莊又

五傳而至自榮歿與弟自顯同塚里式孝友實開厥基是生公祖宏緒歲饑嘗出粟廩食餓者宏緒生公考淇縣訓導用烈淮水溢具舟糧活

人人用是知吳氏後必有達者均以公貴贈如公官公生有夙慧性嚴重能委已於學嘗讀書山莊終歲斷跡城市雍正壬子舉於鄉明年成

進士入詞館丙辰今皇上御極之元年改吏部主事累遷至監察御史歷湖廣京畿道時督撫臣輒奏請以所知官自隨滋不法公奏罷之巡南漕漕官貪縱丁丁

盜米賣不問奏設科禁數言事寔然有直名未幾聞督某奏他事詞連公落職既白還故官或謂公宜謁謝白公誣者未曰此是彼職何謝為

人服其嚴正壬戌出為山東濟東泰武道居後母喪去職服闋起為直隸大順廣道丁卯移山東兗沂曹道是年屬郡饑

駕幸山左召公入對具以狀聞上為截留漕米六十萬石即命公董賑既事民忘其災轉督糧道再遷

鹽運司使六載廉不自潤壬申夏東昌泰安沂州蝗吏捕不力公親觸熱晝夜馳數百里盡六七十日所至蝗立盡大吏嗟賞上其勞又以循

卓薦者再

上由是知公才駸駸乎向用矣甲戌遷西安按察司使丙子移湖北湖北多私徵廣濟爲甚丁丑會公攝巡撫事窮治其獄羣吏咋不敢蹈故習民用完實是秋遷西安布政司使冬移直隸明年春再遷西安未至遂有巡撫福建之命

未得替仍留陝延踰鄜災民旦夕且死公更挽運法以濟逋懸之未入及入未備者皆以勾之地之多麥者用抵倉穀從民便又奏更司庫交代法

天子下其章於天下著爲令首尾一載法成令修敕加兵部右侍郎都察院右副都御史踐閩任至則臺灣以風災告長樂福清晉江南安同安漳浦詔安等縣以旱告公立馳奏發倉廩緩歲租貸種食民以大和明年獲南洲盜南洲四面阻水初爲盜薛能太所竄伏能太誅其黨劉良福者復嘯聚勢張官噓媚不敢出氣又有林成功者業漁爲盜於江南閩浙開黨各數十百人公皆收縛之誅魁釋從閩盜屏息臺灣海外上郡也禁私渡而民犯死偷渡者日益眾故臺灣令魯鼎梅修縣志略云內地窮民在臺者數十萬其父母妻子欲就養格於禁例賄船戶冒水手姓名掛驗婦女則載以小船出口上大船抵臺復用渡接載率以

輿傳七

九

夜行名曰灌水更有客頭句通習水積匪用濕漏船收載數十百人閉置艙底遇風則盡入魚腹比及岸遇有沙汕驅之上名曰所生沙汕斷處或距岸遠行沒泥淖中死名曰種芋或潮漲漂溺名曰餌魚窮民迫於饑寒相率入陷阱言之痛心公於是據志語入告請弛禁從之撫閩三年凡有便於民者必奏奏必得

俞旨刑德並流民彝安之旣而提督馬龍圖以侵餉論繫公治其獄坐失出奪官

命往北路軍營効力時辛巳冬也明年放歸又五年卒年六十有七公篤於至性幼侍母王太夫人疾顛神以身代若神許之愈事繼母彌謹葬贈公於道堂寺躬負土手足皴裂撫兄孤子瑄如己子今已長爲名諸生矣公體幹修偉美鬚髯爲人沉毅有大略能拯人於厄好直言意度豁如也旣歸田終日擁書坐一室未嘗有幾微感憤之色見於顏面時公子二官京師每見

上上必垂問及公或以告公謂公當復用公睽目曰果爾必以死報旣而自引其髯曰臣精已銷亡恐不堪復爲世用矣則又歛衽若不自勝者卒之日遺命勸兩子盡心官守以贖乃父負國之罪無一語及家事

公夫人任氏湖廣辰州鎮總兵宣勳孫女直隸山海關同知秉權女後夫人李氏山東巡撫媚孫女侯選同知盟女皆有婦德均累贈淑人任夫人所出子二人王衡刑部陝西司郎中知湖南永州府玉綸乾隆辛巳進士翰林院檢討李夫人所出女一適聖裔侯選員外郎孔廣禎子拔貢生昭烜孫一鼎颺公之孤將於乾隆某年月日葬公於某鄉某原兩夫人皆先公卒甲戌葬任夫人於道堂寺先塋癸亥葬李夫人於晉家莊既固既安遺命不附銘曰

赫赫中丞自其躬興亦曜於時胡卒不廷非卒不廷而年不再羸惟羸其後以永名

謹案原編有請開臺民攜眷之禁疏一首已見經世文編今不錄

湖北巡撫盧先生焯暨德配周夫人副室崔宜人合葬墓誌銘

東安謀

盧大中丞既歿之二年將卜兆於懷柔縣之西鄉其孤崧再拜奉狀泣請余言以志殯予素慚弇鄙今老矣筆墨益荒焉能作銘惟是公愿任所至多與子前後相繼或鄰邦接壤公之造福地方平昔心切企佩雖自知不文不宜默而無言也按狀公諱焯字光植號漢亭籍本山東益都後隸奉天鑲黃旗公生而穎異落落具遠志覽經史爲有用之學由

碑傳七十一

直隸武邑令遷江南亳州知州擢山東東昌府署登萊道再補糧道升

河南按察司旋升藩司晉撫福建

特賜孔雀花翎紅絨結頂皆異數也調撫浙江緣事被逮効力軍臺

召歸授鴻臚寺少卿擢署陝西巡撫調湖北巡撫再獲譴出塞從軍巴

里坤數載

恩與賜環其初令武邑時火耗尙未歸公巧取者借名節規以自豐公輕徭薄賦杜絕苞苴嘗曰取於民以媚人吾不爲也舊有均徭錢按田派斂以供差務及有事乃按里派夫均徭有定而差無定歷任相沿公曰無定者官之遇有限者民之膏取其資又役其力如吾民何卽爲禁革邑有大莊頭把持公務欺凌小民公詳治渠魁隨事懲警民始知有官法邑爲賊藪響馬四出公連得巢穴獲巨萬十數家獲盜四十餘人境賴以清亳州俗尙械鬪有白帽黨鐵帽黨車椽尖刀各黨名目回民尤甚有號大王者兇狠異常相習成風公來牧是邑嚴法禁緝痛加懲治所稱大王者幾斃杖下眾皆斂跡所獲積匪懲一警百城野肅清毫多私鑄公察其向習私鑄者十七家曉以法律毀其器具互保爲農及數年後經九門提督番役緝獲究追歷任有司皆已獲譴各犯堅供公

任內因禁嚴不能私鑄後於某年乃又私鑄公獨免議山東有營員出外訪事之舉一時訪犯充斥囹圄事無實據公守東昌逐一審訊分別究結監獄爲之一清運河水漲田多被淹一線岸堤正在危險公查下流可以容水開將潰之官堤洩異漲之河流以救民田其已淹者嗷嗷待哺爭先逃徙公請動官帑給賑撫綏上官以違例難之公毅然力任數日後河水乃落民免逃竄荷蒙

聖恩差大臣賑恤鄰邑徧地饑民呼號惟公治境安靜無事復築護城長堤以資捍衛至今堤尚鞏固也公陳泉河南精於鞫獄不事刑求平反冤獄三十餘案豫境河流遷徙無定河灘寬廣兩岸居民爭占爲業歲有告爭屢成大獄公爲履勘定斷漲則陞科灘則豁除從前積案一清永無爭執民咸安業其撫閩也建甯一府賦額有缺於四境民田按畝難納民心惶惶公甫入境先請勘丈隨查知明代賦額滄桑之變歲久難稽勘丈之舉擾累實甚備陳實情荷蒙

聖主殊恩免其勘丈仍照原額輸納濱海產鹽之地久荷聖恩准令近場之貧難老幼零星賣鹽資生有影販拒捕逃匿山中不敢出者方議發兵剿捕公知其畏罪而逃遣官開諭捕緝到案得實首

神傳七十一

士

犯伏法結案閩省多樹旗惡習歷照逆案捕究公曰未叛而先樹旗以揚名半係藉端仇陷廉而究之其情立破自後樹旗之惡風漸息大小姓之糾結互相仇陷聚眾械鬪分別懲究民心平服

上賜匾曰文瀾學海調撫浙江尖山壩工爲浙省屏障日久就傾度築未成公請復築工料悉照民價兵夫匠役給以飯食不時犒賞大工獲成迄今賴之

御製碑文有曰尖山壩工上厯

先帝焦勞今封疆大吏不月告成用慰朕心碑在尖山觀音廟中減浮糧免米稅減鹽價以惠民廣學額以勸士除世船之積弊革官價買物之陋規浙人實受其惠適有費李氏之案牽連被逮入京浙人垂涕護送不能阻止幾成大獄自是請赴塞外數載恭逢

皇上南巡江浙閱視海塘知公於塘工甚著勞績擢授鴻臚寺卿復念

公久歷外任練達署任陝撫值準噶爾之役兵過西安籌糧運僱夫馬

於公不誤於民無累調署湖北予繼其後尙未接任奉文將山西歸化

城米由西安轉運軍前公計道遠多費請以陝西採買積貯之米就近先行撥運奉

旨嘉獎謂深得大臣敬事之道隨實授湖北巡撫及予抵陝任查所籌辦皆及時要務任內甄別屬員極其公當予皆接續而推行之公抵湖北修堤垸之要政破私徵之積弊惜爲時未久至今楚人猶有餘思焉公先後所歷諸任閱數十年竭力宣猷裨益地方政績丕著而愛惜士類優獎人材所在皆然於武邑則有觀津錄亳州則有毫牧政略山東則有典守山東錄河南則有秉臬中州錄福建浙江則有撫閩略撫浙略皆已備載而就予所稔知其有關於國體民瘼多官場所視爲不必辦者於此見公有膽有識仁心實力上不肯負

君父下不肯負士民中不肯負平昔素志固終始而如一也至公家係始末詳家乘及行述中茲不具述云公生於康熙癸酉年十月十三日未時歿於乾隆丁亥年閏七月十三日寅時享年七十有五以今戊子年十月歸窆於三台山以德配周夫人副室崔宜人附周夫人故名家子婉婉柔嘉逮事姑邢太夫人曲得其歡心康熙甲戌年三月十八日卯時生乾隆甲子年九月初一日辰時卒享年五十有一誥封夫人崔宜人亦和順有婦德撫嫡長如已出康熙辛巳年十一月初三日戌時生乾隆甲戌年八月初二日卒享年五十有四以子崧貴誥贈宜人俱

傳七十一

十一

先公卒子五人長山廕生任工部營繕司主事周夫人出先卒次崧副貢生歷任江西蓮花廳同知攝袁州府事次嶠補縣尉並崔宜人出次嶠次崧俱幼並副室譚孺人出女子六孫男九長承重銘仁河南睢州吏目次銘義江南奉賢縣尉次銘禮分發裕尉次銘智業儒並山出次銘寬幼嶠出次銘剛銘健俱幼崧出次銘裕嶠出曾孫五銘曰書美釐東詩稱補袞嶽降星精穆穆洵洵約以自衡二簋用損虛中不盈屢蹟而穩內行克修室家之壺日同窀窞幽光合瞬元氣下蟠鬱茲隱弁懿此靈邱頌蒙知本

呂星垣

又資政大夫湖北巡撫盧公神道碑 呂星垣 國家封疆大臣自州縣起者親民深得民最甚其以封疆自任者果爲國家樹久長之計究能以得民得君越海邦也沿海塘先治海甯州尖山江東行海西上感于尖山勢不敵則海挾江逆入尖山壩實挑海水南下刷行龕窟山根南益灘北益漲海患永息顧跨海築危堤二百餘丈天險極人力絕厥惟中丞盧公成之公撫越人愛戴有許弟妻者公矜惜名節以微行誤訪平反之被劾內大臣汪札爾出按治讞兩月未具突越民呼嗷罷市竟篡奪公昇置吳山神廟供餽煥如牆求保留

者數萬人走督轅擊鼓公呵不散乃夜逃歸頌繫所  
上聞知公無罪狀而懲越民非法戍公軍臺八年  
上早知公昔以武邑令召見一日三見命書年庚奏御故邀大用後辛  
未年

聖駕南巡幸尖山徘徊觀海水飛揚堅堤橫截空際親讀

御製碑文曰尖山壩工上厯

先帝宵旰焦勞封疆大吏不數月告成用慰朕心因慨然遐想念公勞  
績召還京授鴻臚卿歷撫秦楚以功名令終按狀公姓盧氏諱焯字光  
植一字漢亭籍本山東益都先世從龍隸奉天鎮黃旗世襲子爵祖崇  
與江西按察使考承綸嘉興府知府妣王太夫人公少力學不屑章句  
隨父任通達政事以勳裔除武邑令遷亳州知州擢東昌府知府登萊  
青道山東糧道南汝光道遷河南按察使布政使巡撫福建浙江陝西  
湖北配周夫人葬拱極山高厚原子五人山蔭工部主事崧兩浙江南  
鹽法道次嶠次嶠次岫次岫女六人孫九人公治武邑火耗尙未歸公公歸  
之民曰令自矢矣焉能媚人取之徭賦並減邑大莊頭把持官民詳治  
以覆盜窩十數家擒盜四十餘名崔藪一空散亳州白帽鐵帽黨斃其

傳七十一

十一

魁絕州境私鑄後九門提督嚴讞獨公免議公守東昌適田文鏡總督

山東向苛猛營官四出訪犯充罔各屬皆逢迎爲暴公訊無辜立釋

田憾之不能動搖郡大水爲疏通運河築護城長堤動輒賑卹

上遣大臣閱視山東東郡獨安田愧服田飭開墾公獨抗爭陳泉河南

平反失出入三百餘案河流屢徙民輒佔佃報灘溝訟爲定南北岸升

灘丈報例閩賦多缺額建甯爲尤較明季十少五六每攤畝辦賦吏胥

緣爲奸公文定之州郡稟鹽梟樹旗督臣欲發兵公曰未叛先樹旗仇

陷也宜緝緝之果得罪人杭嘉湖甯紹有浮糧爲核裁他若廣學額免

米稅禁官價絕船票法至百吏心周四民將自陝赴楚籌準噶爾糧運

奉文將山西歸化米由陝運軍公計道遠費鉅輒以陝存貯米撥運仍

採買歸款咸有大經濟設施不苟爲旦夕塗飾而長策奇功尤以尖山

壩工爲第一公早受

上知歷次召見奏對稱

旨子崧前後引見均有

特賜花翎兩旬內召見十八次時同大學士鄂公爾泰張公廷玉直隸

總督李公衛浙閩總督郝公玉麟朝暮入直侍宴  
上喜願諸公曰君臣一堂直如家人父子賞賚駢蕃載公圓明園恭紀  
錄其得君如此自州縣至封疆到官出境吏民塞塗婦豎頌歎多私  
公者

上絲此益重公其得民如此而

上聖仁神武於大臣功過絲毫不假貸事白輒原諒追惜眷弗衰公丁  
卯撫楚適陝藩司亦調楚入見奏公短發土貢值遂飭効力巴里坤旋  
調赴哈密辦糧餉辦蘭州軍需事竣調回京

上方嚮用公公疾甚乾隆丁亥七月終于家春秋七十有五

上聞軫惜賞還原官文集政績諸書及前後賜件公之感激涕零沒齒  
不忘以策其子孫也有以夫公有觀津錄牧毫政略秉臬中州錄撫閩  
略撫浙略及公子崧所製行狀崧觀察杭州請星垣綜覈據實為公神

道碑

又原任浙江巡撫盧公神道碑 袁枚

乾隆四年兵部右侍郎盧公巡撫浙江枚乞假歸娶謁公于南衙一見  
如舊相識矜寵甚盛次年枚官京師聞公被劾

神傳七十一

古

天子命內大臣汪札爾往按其事獄兩月不具浙之氓呼喚罷市纂公  
於頌繫所昇至吳山神廟中供餽糗粢盛者如牆而進所過處婦女呼  
冤躅足數萬人赴制府軍門擊鼓保留制府德公據實奏聞

天子知公無罪而又不欲長黔首之刁風也遣戍軍臺一時朝野駭公  
能得民故亦疑公果何術以致之後四十餘年公子崧以貞石未建來  
索銘幽之文讀其狀方知公自縣令至任封疆忠勤惠愛終始一貫以  
故誠能動物應如屏蠻初非違道干譽之所能襲取于須臾宜備書之

扞部民之思為大臣之式謹按公諱焯字光植號漢亭奉天鑲黃旗人  
先代從龍世襲恩蔭祖崇興官江西布政使父承倫 祖崇與父承倫均  
祖崇與父承倫均

大理寺少卿公生而岐嶷榮榮有才以功業自期初知武鄉縣縣有均  
徭錢供差費而遇差仍按里派夫革除之有豪家壯頭倚勢凌民公  
大創之有巨盜四十餘家公剿絕之遷知亳州州俗好鬪有白帽鐵帽

諸黨公擒其魁餘黨解散擢知東昌府署登萊青道賞授河南南汝道  
遷按察布政兩使巡撫福建

今上元年調浙江落職再起授鴻臚寺少卿巡撫山西再落職  
命往巴里坤哈密協理軍需事竣還家年七十五薨公抗爽而和與人

語姝姝然不衣自暖然義之所在赴若江河之決武邑災公開倉賑飢東昌災公放隄水入運河飭各屬開倉賑飢俱不待報請便宜行事浙

上海塘恃尖山為保障壩工屢圯公親臨築成上喜御製碑文以賜西陲用兵湖北奉部檄運歸化城米往軍前公慮

道遠費重奏請以陝西采買者就近先撥上嘉之謂深得大臣敬事之道當田文鏡總督河東時政尚苛嚴司道

以上莫敢撻其鋒東昌一郡所訪至二十餘案囚繫累獄不能容公到登時判遣囹圄為空田心銜之卒亦無如何也公為政大概以膽決濟

其仁心福建前任撫臣奏建甯田糧較明季少十之五六部議按畝均攤公奏請先丈量而後酌增

上許之丈無虛浮其事遂寢鹽販拒捕有登山者總督某欲用兵公止之而密遣官禽獲首犯分別杖懲即時案結豫省黃河遷徙無常兩岸

爭地訟謀債與公曉以漲則升科坍則豁免一言而訟息湖州費氏大族也有兄公某訟其弟妻李氏之姦公不忍以曖昧事污人名節為平

舉之竟以此獲譴然有識者觀公之過知公之仁公揚休玉色軒軒霞舉長鬚飄然望而知為公輔從武鄉運餉入都年才強仕

世宗召見即賜飯賜豐貂墨刻香珠等物捧至殿外又喚入命開寫年庚具奏嗚呼公日後麾旄擁鉞垂三十年皆由此時特達之

知然以縣令微員薦引無人而簡在帝心一至于此雖公之儀狀奏對必有異乎尋常者而即此可想見

世宗之聖德如天求賢若渴矣遭逢之盛至今聞者猶為泣下所著有觀津錄牧亭政略秉臬中州錄撫閩撫浙略數十卷配周氏以覃恩誥

封夫人副室崔氏以子貴誥封宜人皆以己丑年四月合葬於拱極山之高原禮也子五人長山蔭工部主事次崧官衛輝太守次嶠次嶠次

叫女六人孫九人銘曰屋漏在上知者在下主恩易逸民口難借髦髦盧公氣如春夏弊絕吏瞿樂興人化鏡磨愈

皎衣涅不緇屢起屢躓未竟其施人為公惜公獨迢然委運任化知我者天

天眷良臣令終壽考樹蔭幽宮鶴歸華表巡撫山東李公清時墓誌銘五見河坡國朝閣臣理學文章兼擅者首推安溪李文貞公其家法以孝弟仁讓

爲本其學問以闢濂洛爲宗故其子若孫撥科名而膺仕籍者其學皆有所稟承不染時習其當官也俱能耿介自立卓然有所建樹若今大中丞蕙圃公其一也余識公在乾隆丙子時公爲兗州太守而余以禮部尚書出署山東巡撫事因查勘金鄉魚臺水災公來謁余旅館與語移時若素交然隨借往諸邑勘災見公條畫指陳經緯井然蓋已知公爲大器矣余時方疏請移建魚臺縣城及開荆山橋疏下流淤墊以消積水而東南河運挑浚之事成矣丁丑春余還京旋有總漕之命公亦已擢遷運河道漕河相爲表裏公治運以爲漕而余上下往來於運道或有一得以語公亦多許可如是者幾九年乙酉夏始由淮徐

道特授河東總河方一載卽有巡撫山東之命屬吏久悉公清操亮節馭下無私一時墨吏幾於望風解綬使得久任其所以惠此一方者豈小補哉乃戊子春卽嬰疾以歿余聞之甚勦雖爲文哭之哀私究未殫也嗣公孤本躋奉公柩過淮涕泣請爲納壙之文曰知先大夫者莫如公誼不敢辭按狀公治郡卽多美政其在嘉興也歲己巳聖駕初南巡有議自郡城西南至省開副路一道長二百餘里計應伐

碑傳七十一

七

民桑柘數十萬株架橋百餘道環民居墳墓無數公曰此不可以口舌爭乃棹小舟於南北官塘湖洄者久之因得副河一道上通吳江平蕩下達杭州壩子門咸以爲便於是遂決用副河初郡城訛言如白牛蕩者民情囂囂公察其虛靜以鎮之並屬武員毋張皇報聞月而訛言竟息又時籍朱荃家有遊棍吳得方胡志者假內大官名札往圖詐縣令以聞大府入告奉有嚴審卽行正法之

旨大府檄公承審旣得實以財未入手抵以假冒職名例擬遣廉使不從爭之再三廉使曰恐太守獲譴爾公曰某以不枉殺人去官何恨卒從公議其在兗州也兗郡素多水患公初膺命陞辭時

上諭當以實心救之公感激

君恩至卽周視所屬田畝因歷年黃水決入微山湖被水淹浸多至二萬一千餘頃公東西奔走且勘且報議賑議貸費國帑六十餘萬活饑民無算又兗地素產繭有司議設牙收稅贖已上矣以公力持不可而止公之爲運河道也值運道弊壞之後公通籌全局力反前弊凡應行之舉尤知無不爲自孫家集決後運道由夏鎮至南陽兩堤俱潰漕運之難如涉海洋茫茫無畔岸每一遭風動輒覆溺時余初任漕運目覩情

形卽奏請築東西堤以便挽運得

旨命今閻臣劉公往勘嗣令總河儀封張公東撫鶴公等議修築事兩堤以西爲亟議者或擬用椿埽費以六十萬計或議建石堤費以三百萬計公日夜籌畫因憶少時行瀕海開見築堤捍海爲田者用碎石拋積水中漸積而高潮退則以木欄之填土其上堅築之遂成堤因度山石遠近價值與土木船載遠近多寡計需金止十四萬兩總河張公等以其策上聞得

旨如議於是命公董其役始事於戊寅二月至五月而告竣稽天鉅浸忽成坦途輓運者如過衽席矣西堤旣成東堤亦以次舉內第二段兩面皆水得土甚難公令先以石壘兩旁積葑蔣其中候北風盛時盡開兩岸十四單牓俾水乘風入湖河難盡露多募夫集畚鍤旬日起工積葑上而工遂集計費帑金十二萬有奇而湖與河之界盡分矣孫家集之初閉也雖黃流旣隔而水之瀰漫於湖者止韓莊湖口一牓宣洩甚難公令卽牓北毀石堤十七丈掘地深四五尺以瀉之於是湖水深二丈三尺者消至一丈水旣落眾謂卽宜堵堤蓄水以濟運議上

上命卽開堤處建滾水壩一座寬二十丈高一丈二尺五寸俾水小得

神傳七十一

七

蓄水大得洩嗣公又請減低壩脊至一丈今著令湖水減至一丈乃閉牓以蓄之一丈以外則聽其從滾壩而洩旣不病漕又不病民蓋兩利之策也泗水本從濟甯以南之魯橋入運前人於兗郡城東作金口滾壩以截之俾西流入府河經滋陽濟甯以達馬場湖蓄水濟運但府河上廣下狹泗漲則不能容又洸水自北挾灤河韓馬河之水南注府河每伏秋水溢害稼有楊家壩者在濟甯城東舊誌謂可導府河入運而儀封張清恪公又有必不可開之說壩遂歷年堵閉公度府河水盛卽開壩分洩而馬場不患無水乃請改楊家壩爲牓水大則啟板洩之民田旣無患而馬場水仍足濟運其治運河南流之水如此北河之水以汶爲要汶水分流之處左蜀山右馬踏而面南旺皆昔人蓄水之櫃也舊制汶水四歸南六歸北後漸至南行者多北行者少而袁口靳口之閘重運經臨每苦淺澀公曰是不可不有以均之乃規分水口南壩加長北壩收短以節宣之蜀山湖出水之口有二一曰利運在柳林之南一曰金線在寺前之南金線向資南運公以蜀山湖水當令多濟北運於是移金線在柳林之北司鑰者但閉柳林之牓卽可使蜀山之水先濟北運又何家壩者在分水口上游汶漲則洩於劉老口石頭口以歸

北運而舊壩吞高雖伏秋不能過水公令減壩二尺於是南流弱而北流增公自記有云戴村壩之遏汶也宋尚書白老人舊制留坎河不築春夏水弱導之濟運伏秋水發決之歸海法至善也中明以後頓改前規萬公壘石爲灘潘公接築玲瓏壩然水猶有洩也近日堅築以石實其竇而高其垣宜乎伏秋盛漲不過水已總河裴公奉

命查勘東省水利以此壩利弊詢公曰加寬十餘丈則無患矣裴公如其議行之數年衛河安流此公治運河北流之水也公於治水之法本所通曉而又相度情形窮原竟委不憚勤勞每乘舩小舟出入而荒陂叢澤支流斷港之中昕夕無閒舟車不可通則步行以往遍詢土人必得其歸而後已故二千里之內凡地勢水勢膠葛支錯之區俱能聚米畫沙瞭如指掌凡所創建調劑俱切要害合機宜實可垂諸不朽非僅僅補苴稱職者所能窺測也嘗自書四語於座右曰有水濟運無水淹田帑不虛糜功歸實際余以爲十六字卽作河工心傳可矣至公之治黃也雖爲時未久然亦利必興害必除黃河例有歲修曩時司事者不度形勢一概加土高者益高虛糜帑項卑者不能大有增加難資抵禦公飭屬令於水漲時各呈堤高水面尺寸細驗水痕全行開載卽擇

南傳七十一

堤身之最薄者增之迨伏秋水發耿家寨等十四堡水及舊堤之上賴預增新築以免又河工微料於民其弊百出納者苦之公曰此惟節無益之工少徵一分之料卽民受一分之福故每歲派料較前減至千萬餘筋民陰受其福而不知迨巡撫山東下車卽查勘青州武定東昌諸屬窪地歉收情形而以高苑博興樂安三邑災上聞又請緩徵海豐霑化等十二州縣舊糧又念高博樂之災由於小清河支脈溝之下流不廣致上游被水沖溢爲患正檄調河工熟習之員委令細勘將於春融設法疏濬而公已抱病矣公才品素契

宸衷爲監司卽屢荷褒嘉任淮徐道時山東運河水淺

上以公素習東河情形命至東省與河撫二公商辦次年

聖駕南巡有旨由水路至德州登陸而運河水淺

又上命余偕公往山東會同總河妥協籌辦蓋信公之深也迨晉擢總河

念公有老母在籍賜內府貂幣命先歸省親而後莅任皆異數也公諱清時字授侯號蕙圃年十七補博士弟子員嗣登賢書成進士授翰林院編修曾祖詒贈光祿大夫文淵閣大學士兼吏部尙書諱兆慶子四

長卽相國文貞公次公祖戶部主事誥贈中大夫待贈資政大夫諱鼎  
徵子五長翰林院編修誥贈中憲大夫待贈資政大夫鑑塘公諱天寵  
妣誥贈恭人待贈夫人黃氏次翰林院編修提督江西學政誥贈中大  
夫待贈資政大夫抑亭公諱鍾僑母宜人待贈夫人黃氏公爲抑亭公  
子兄弟五長中憲公清載次兵部侍郎公清芳次孝廉公清江清愷公  
其幼子也公生之日以愛出繼鑑塘公孝廉公清京其兄清均其弟也  
公性行醇摯事父母及本生父母待兄弟與同懷兄弟孝友如一內外  
無間言會祖教忠公未有特祠公本生父嘗以爲言乙酉夏奉

命南歸卽親度地基成之又贖戶部公祀田百餘畝又爲抑亭公特置  
祀田歷官數十年清操自勵無絲毫苟取待人以誠規友以正人無敢  
干以私者於書無所不窺在翰林時雖工文詞中年後卽罕言詩賦專  
討論經濟義理之事尤深於易及宋五子之書所纂有周易經義十二  
卷合編朱子語類或問三十二卷著蠶書一卷汎牖約言一卷治河事  
宜數冊又旁通堪輿家言能得前人秘奧人莫能窺其蘊也公生於康  
熙四十四年十二月二十四日申時終於乾隆三十三年正月初七日  
未時配夫人萬氏柔嘉靜懿重然諾識大體侍翁姑孝待妯娌和公少

神傳七十一

十九

有宿逋不能償者夫人俱售簪珥力償之每至署猶紡績不廢蓋賢內  
助也先公三年卒子二長本彩國學生先公卒娶黃氏太學生士瑤公  
女繼娶楊氏武進翰林院編修士徽公孫女太學生絨公次女次本璿  
國學生娶王氏知直隸東鹿縣事諱天慶公女六長適原任仲淺牖  
官黃虞次適萬世寵次適粘有達三幼皆未字孫三景岱景同本彩出  
景東本璿出某山之原公孤於是營窀穸焉銘曰

有宋理學濂洛關惟閩實其湖尼山中閒繼起林與蔡我

朝文貞力追攀家學所傳茲一脈公守厥緒無敢斲體之旣立用斯行

宣防懋績手畫孳文襄而後第一人

天子方資普宣旬泰山峩峩海泱泱厥施未竟澤無忘我銘幽宮固以

臧卜云百世其永昌

又李清時傳王元殿

李清時字授侯安溪人乾隆十四年由編修出知嘉興府以憂去二十  
年起知兗州明年冬升運河道先是河決孫家集自夏鎮至南陽東西  
堤皆潰議建石堤或用椿埽皆費不貲清時請用碎石拋積水中潮退  
以木欄之覆土其上費省工固又以輦石勞費特于距湖一面壘石用

抵湖水之蕩齧臨湖專築土堤其故堤壞未盡者以壘石護其底面用土築凡費十四萬金四月而工畢東堤兩面皆水得土甚難令以石壘兩旁積葑其中土加其上事遂集時黃流既隔然微山湖水瀰漫止韓莊一牖爲宜洩口復隘清時令撤去牖旁數石以廣其流其後上命卽開堤處建滾水壩一座清時又請減低二尺令湖水消至一丈乃許閉牖又建楊家壩牖節宜沈泗之流使冬春西入馬場湖濟運伏秋直達天井免民田滄沒之患汶水分濟南北運故時南流四北流六其後南流反多于北爲加長南壩縮短北壩以節宣之蜀山湖出水之口有二利運牖在柳林之南金線牖又在寺前之南清時改建金線于柳林之北司鑰者但閉柳林一牖卽可使蜀山之水先濟北運何家壩在分水上游之右洩汝流入劉老石頭口以歸北運而舊壩脊高特令減低二尺自是北運無憂淺阻壽張有沙河或以爲卽古之濟有趙河卽古之澱水本入大清河歸海自開運河水皆爲所格明劉大夏於運河東岸建三空五空橋乾隆十九年河督某又於八里廟建平水三牖備二水暴漲然其底皆高運河之底一丈以上牖口寬僅丈餘非異漲不能入而范濮壽張東阿民田歲苦水二十二年清時決八里廟前堤岸以洩之因請添置滾水壩減低三空五空橋底八尺議未行會直隸總督方觀承奉

彈傳七十一

命勒徒駭馬頰二河以其言入告

特旨低七尺於是沙河趙河得有所洩衛水合淇丹二漳水自館陶入境至臨清與汶會盛漲之年由板橋逆灌入汶漕渠淤阻清時以牖南舊有壩爲衛水重障不宜廢遂于汶衛交流處築壩禦之仍歲加高厚焉德州四女寺滾水壩亦宜衛河異漲者爲加寬十丈餘衛水得無澶漫清時熟于張伯行居濟嘗得之書又不憚勤苦棹小舟躬行陂澤溝港開或步行堤上遍詢土人凡地形水勢瞭如指掌嘗書四語于座右曰有水濟運無水淹田帑不虛糜功歸實際人謂治河十六字心傳云初任城書院歲撥河工閉款助膏火三十年升河道總督三十二年調山東巡撫明年卒士民爲立祠論曰余于治河督漕諸臣削之表復列諸傳或疑余自乖其例余曰表者表其氏名氏名之繁司土官且不勝載遑及省郡大僚傳著行事可傳述雖其無關此土者猶將博採焉況其駐節于此吾民父祖曾高皆嘗親承其治化乎雖然雍正以來若余甸之爲克甯道完顏偉之爲

總河州人至今追思之然其行事湮沒不彰則亦姑從其闕而已欲使  
一邦文獻足徵紀述之功又曷可少哉



碑傳七十一

三

碑傳集卷七十一  
貴筑黃彭年編訂

09102

09100

